

明史彙

列傳第四

光祿大夫

經筵講官明史總裁戶部尚書加七級臣王鴻緒奉

敕編撰

遼簡王植

慶靖王禴

寧獻王權

岷莊王榘

谷王穗

韓憲王松

藩簡王模

安惠王楹

唐定王桎

郢靖王棟

伊厲王楫

皇子楠

清江王守謙

遼簡王植太祖第十五子母韓妃洪武十一年封衛王二十五年改封遼明年就藩廣寧時軍府草創樹柵爲營帝命武

定侯郭英爲寧夏城郭英王妃父也督軍峻急帝聞令輟
役三十年命都督楊文督遼東諸衛士繕治之增其雉堞以
嚴邊衛復圖西北沿邊要害示植與寧王權諭之曰自東勝
以西至寧夏河西察罕腦兒東勝以東至大同宣府開平又
東至太寧又東至遼東抵鴨綠江北至大漠又自雁門關外
西抵黃海渡河至察罕腦兒又東至紫荊關又東至居庸關
及古北口又東至山海衛凡軍民屯種地毋縱畜牧其荒曠
地及山場聽諸王駙馬牧放樵採東西往來營駐因以時續
與虜寇違者論之植在邊習軍旅屢樹軍功建文中靖難兵
起召植及寧王權還京寧王不至植渡海歸朝改封荊州成
濟王植入朝以植初貳於已削其護衛已而植第三子貴燮

第五子貴煊上變告植反仁宗白其誣免二子爲庶人永樂二十二年薨于貴烱嗣正統元年府臣乞加祿帝曰簡王得罪朝廷成祖特厚貸仁宗朝加祿得文二千石宣宗又給旗軍三百人親親已至王素乖禮度府臣不匡正顧爲王請乎不許三年巡撫侍郎吳政奏王不友諸弟待庶母寡恩捶死長史杜述居國多過召訊京師盡得其淫穢黷倫克暴諸不法事廢爲庶人守簡王園貴烱爲王十五年廢正統十四年卒弟肅王貴燦嗣成化七年薨子靖王豪壻嗣世子恩鑑卒豪壻請以其妃妾殉憲宗不許十四年薨子惠王恩鑑嗣弘治五年散宗祿松滋王府諸宗人恩鑑恩鍊恩鎗等聞入府恩鑑禁拘之皆怨已儀賓袁鏞復誘恩鑑等招羣小奪軍民

商賈利恩鑄發其事恩鏞等愈怨謀殺王孝宗遣官按實
恩鏞等鳳陽謫戍其黨有差恩鏞陰使送者刑梏之斃八十
餘人不數日世子暴卒八年疽發背薨子恭王寵浸嗣與弟
光澤王寵瀆友愛飲食服御必俱寵瀆有令德寵浸有事必
吞寵瀆而後行世宗嘗製燕弁以居號忠靖寇賜羣臣寵瀆
請並賜諸宗世宗別製冠名保和以賜之正德十六年薨子
莊王致格嗣病不視事委政妃毛氏妃明書史沉毅有斷中
外肅然賢聲聞天下嘉靖十六年致格薨子憲熾嗣性酷虐
淫縱惑信符水諸奸黠少年倚爲不法世宗好道憲熾亦奉
道謹世宗寵之賜號清微忠教真人予金印道經隆慶元年
給事御史先後論劾追奪世宗所賜真人名號金印及祿米

三之一既而巡按御史邵光先復劾其大罪十三命刑部待
郎洪朝選往勘具得其實以樂婦子川兒冒請封名亂宗統
罪一世宗哀詔至越五日不舉哀縱飲好獵罪二淫亂從姑
及從祖妾逼姦婦女或生置棺中燒死或手刃剔其臂肉罪
三毆死儀賓禁錮縣君勒詐宗人殘殺官校奪妻攘產掘塚
燔屍不可算數罪四用炮烙割劊目燿耳刑罪五縱伶豎
竇亂宮中罪六私造符籙罪七寵信私人僭用侯伯金吾等
官名賜蟒衣玉帶罪八蔑視天子命吏罪九詭請金印刊刻
妖書與徽府通謀不軌罪十建造美花等院藏納惡少罪十
一收買應禁器物罪十二假託遊獵陰演陣法震驚遠邇罪
十三奏上帝以憲燼罪大宜誅以宗親故免死廢爲庶人錮

高牆伶人妻所生子武昌安置初副使施篤臣憾憲燂其朝
選至湖廣篤臣詐爲憲燂書餽朝選因劫持之憲燂建白燾
曰訟冤之燾篤臣驚曰王反矣使卒五百圍王宮朝選還朝
實王罪不言王反大學士張居正故與憲燂有隙曠朝選不
坐憲燂反久之屬巡撫都御史勞堪羅織朝選瘐死獄中其
後居正死憲燂訟冤籍居正家而篤臣亦死遼國除諸宗隸
楚藩以廣元王術焜爲宗理

慶靖王櫛太祖第十六子母余妃洪武二十四年封生十四
歲矣二十六年就藩寧夏以餉未敷令駐慶湯北古韋州城
就延安綏寧租賦三十年始建邸王好學有文忠孝出天性
成祖善之令歲一至韋州度夏宣德初言寧夏卑濕水泉惡

乞仍居羣不許令歲一往來如成祖時正統初寧夏總兵官
史昭奏王沮邊務占靈州草場畜牧遣使由綏德草地往還
煽惑土達官民章未下或告王閱兵造戎器購天文書櫛疑
皆總兵昭爲之上書請徙國避昭英宗不可貽書慰櫛正統
三年薨子康王秩燈嗣景泰元年以寧夏屢被兵乞徙內地
不許成化五年薨子懷王邃繼嗣十五年薨弟莊王邃塤嗣
弘治四年薨子棊王寘繼嗣十一年薨子定王台法嗣弘治
中寇數入塞發棊王墓正德五年安化王寘鐸反台法稽首
行君臣禮詔削護衛停祿戍其承奉長史嘉靖三年台法賄
鍾守太監李斯總兵官种勛求爲奏請復祿斯勛不納台法
銜之會寧夏衛指揮湯欽等得罪於巡撫都御史張璠謀藉

王殺璿及劾事覺欽等就捕誣台法不軌帝使覆按璿列上
王淫暴狀及誘致塞外降人台法內危奪門出欲詣關認璿
遮止之竟削爵爲庶人留邸歲與米三百石嘉靖十一年復
坐殘虐長子堯欜徙西安台法旣廢以其叔父鞏昌王寘釧
視府事寘釧裁慶邸宮妃等薪祿取邸中金帛萬計又以台
法二子堯欜堯枋皆幼造台法謀逆謠語使寺人誘堯欜吟
誦圖陷台法自立豐林王台瀚仇寘釧發其報子婦生二女
事寘爲庶人幽高牆十五年以兩宮徽號恩復台法冠帶於
三十年堯欜枋先卒弟惠王堯枋嗣好學樂善以禮飭諸宗
世宗賜之敕建坊表之寧夏築邊牆堯枋出銀米佐工萬曆
二年堯子端王倪熿嗣十六年堯子憲王伸域十九年嗣其

年薨明年寧夏賊唃拜反王妃方氏匿其子帥鉉地窖中自
經死時壽陽嗣王倪爌唃拜脇降之不屈爲所囚賊平乃出
鎮原王伸壇理府事謀襲賊弗克府中人皆爲所殺御史劉
芳譽言諸宗死節者俱應恤錄方妃宜建祠旌表詔從之且
給銀一萬五千兩分賑諸宗人帥鉉嗣薨子倬淮嗣崇
禎十六年流賊破寧夏被執

安塞王秩昺靖王季子也十二而孤母位氏誨之性通敏過
目不忘風致俊朗美髭髯目光如電善古文選籍紳學士質
難辨惑移日不倦自稱滄洲野客又稱樗齋所著有隨筆二

十卷

熙人眞鐸祖秩終慶靖王第四子也封安化王諡惠懿父邃

堤鎮國將軍以竄熾襲王爵追贈安化榮和王竄鑄於誕
相者言竄鑄當大貴巫王九兒教鸚鵡妄言禍福每見竄
呼老天子竄鑄遂覬望非分寧夏指揮周昂謂何錦下廣
衛學諸生孫景文孟彬史連輩皆往來竄鑄所正德五年帝
遣大理少卿周東度寧夏屯田東考剗璽意以五十畝爲一
頃又畝斂銀爲瑾資敲扑慘酷戍將衛卒皆憤怨而巡撫都
御史安惟學數杖辱將士妻將士銜刺骨竄鑄知衆怒令景
交飲諸武臣酒以言激之諸武臣多願從竄鑄竄鑄又令人
結平鹵城戍將及素所厚張欽等會有邊警參將仇鉞副總
兵楊英帥兵出防守總兵姜漢簡銳卒爲牙兵得申屠敬等
六十人令周昂領之昂遂與何錦定約四月五日竄鑄設宴

邀撫鎮官飲於第惟學東不至錦昂率居敬等直入殺漢及
太監李增鄧廣於坐分道卒殺都御史惟學少卿東都指揮
楊忠於其公署遂焚官府釋囚繫撤黃河渡船於西岸以絕
渡者遣人招楊英仇鉞入皆佯許之英率衆往保王宏堡衆
潰英奔靈州鉞還鎮宣鐔奪其軍出金帛犒將士偽署錦大
將軍昂廣副將軍欽先鋒魏鎮楊泰等總兵都叢令景文作
檄以討姦黨劉瑾爲名傳布遠近陝西總兵曹雄聞變遣指
揮黃正駐靈州檄英督靈州兵防黃河都指揮韓斌總兵侯
勳參將時源各以兵會英密使蒼頭報鉞爲內應令史壩浮
渡奪西岸船管河東焚大小三壩草宣鐔懼令錦等出禦獨
留昂居守宣鐔祭旗纛召鉞鉞稱病昂問疾鉞刺昂死令親

兵地宜鑄第擊殺景文連等十餘人遂擒宜鑄迎英衆入宜
鑄叛十有八日而敗錦部將鄭輝即殺魏鍾等數十人衆駭
散錦廣泰欽先後皆獲械繫宜鑄等至京師宜鑄賜死錦廣
等皆伏誅鉞封威寧伯宜鑄子弟皆歸是孫藤材逃出削髮
居永寧山中未幾爲土僧所凌詣宮言狀慶王與守鎮以聞
傳至京師安化宮人左寶瓶在浣衣局使驗之咤曰此藤材
殿下也帝念藤材自歸免死安置鳳陽

寧獻王權太祖第十七子母楊妃洪武二十一年封二十六
年就藩大寧大寧在喜峯口外古會州地東連越左西接宣
府爲巨鎮統塞上九十城帶甲八萬革車六千所屬朵顏三
衛騎兵皆驍勇善戰權智畧淵弘敷會諸王出塞威振北荒

燕王初起兵與諸將議曰曩余巡塞上見大寧諸軍悻悻而
戍卒皆中土罪謫不能寒吾得大寧斷遼東取邊騎助戰大
事濟矣時建文帝恐權與燕合使人召權權不至坐削三護
衛會李景隆方攻燕燕王率銳卒千人倍道趨大寧詭言窮
蹙求救權邀燕王單騎入城燕王執權手大慟具言不得已
起兵故求伏草表爲謝罪居數日欵洽不爲備北平銳卒伏
城外吏士稍稍入城陰結三衛部長及諸戍卒燕王辭去權
祖之郊伏兵起擁權入關三衛曠騎及諸戍卒一呼畢集
將朱鑑不能禦戰及總兵官都督劉重邁還京師行軍都督
陳亨等降燕王府妃妾世子皆隨入北平大寧城爲空權入
燕軍時時爲燕王革機燕王謂權事成當中分天下此卽位

王乞改南土請蘇州曰畿內也請錢塘曰皇考以予五弟竟
不果建文無道以王其弟亦不克享建寧重慶荊州東昌皆
善地惟弟擢焉權遂出飛旗冷有司治馳道帝大怒權不自
安悉屏從兵與老中官數人偕往南昌稱疾卧城樓乞封南
昌帝不得已認即布政司爲邸改封王南昌甌窺規制皆無
所更已而人告權巫蠱誹謗事密探無驗得已自是日韜晦
搆精廬一區鼓琴讀書其間終成祖世得無患仁宗時法禁
稍解權乃上書言事嘗請乞南昌灌城土田及論宗室不應
定品級宣宗怒頗有所詰責權已老諸少年吏多齟齬以示
威重權不以爲意日與文學士相往還託志狎舉自號臞仙
嘗奉獻輶道錄博論二卷又作家訓六篇寧國儀範七十四

章漢唐祕史二卷史斷一卷文譜八卷詩譜一卷其他註纂
數十種經子九流星曆醫卜黃冶諸術皆具正統十三年薨
世子盤斌先卒孫靖王奠培嗣追封盤斌爲惠王奠培善文
辭著仙謠却掃吟擬古詩二百餘篇皆有恩致然性卞急多
嫌猜景泰中弋陽王奠璫訐其反逆罪於巡撫韓雍雍以聞
帝遣官往讞逮軍民六七百人遇天順改元赦不治第謫成
誘王爲惡者教授游堅奠培由是憾守土官不爲禮布政司
崔恭積不平輒拒奠培請囑奠培遂誣劾恭不法事恭亦奏
奠培私獻惠二三宮人逼內官熊璧自盡按問恭奏皆實奪
奠培護衛改爲南昌左衛以隸都司弋陽王奠璫奠培弟也
錦衣遙杲使詞事者誣奠璫烝母英宗遣奠培書令其實以

聞而遣駙馬都尉薛桓與臬涖問奠培奏無是事臬按亦無實帝怒責問臬臬懼罪仍以爲實帝乃賜奠盞母子自盡焚其屍是日雷雨大作平地深數尺衆咸冤之成化十一年奠培與弟石坡王奠培交惡互訐奏被旨切責弘治四年堯子覲鈞立十年堯子宸濠其母馮針兒故娼也始生靖王夢蛇啖其室旦日鴟鳴惡之欲不舉母強奉之弘治八年封上高王十二年嗣宸濠輕佻無威儀鷲忍漁利而善以文行自飾術士孚自然出入府中妄言王骨相天子也堪與人李日芳言郡城東南有天子氣宸濠喜時時誦中朝事聞謗言輒喜或言帝明聖朝廷治卽怒武宗末年無子羣臣數請召宗室子于之宸濠屬疎顧濠結左右帝前稱其賢初宸濠賄劉瑾

復所革護衛瑾誅仍論奪及陸完爲兵部尙書宸濠結嬖人
錢寧臧賢爲內主欲奏復大學士費宏執不可諸嬖人乘宏
讀廷試卷取中旨行之而勒宏致仕宸濠益大恣擅殺都指
揮戴宣逐布政使鄭岳御史范輅幽知府鄭獻宋以方盡奪
諸附王府民廬責民間子錢強奪田宅子女養羣盜劫財江
湖間有司不敢問日與致仕都御史李士實舉人劉養正等
譏不軌副使胡世寧請朝廷早裁抑之坐繫再經冬減死謫
戍自是無敢言者正德十二年典儀閣順內官陳宣劉良聞
行詣闕上變寧賢等庇之不問宸濠疑出承奉周儀殺儀家
及典仗查武等數百人巡撫孫燧列其事中道爲所邀不得
達宸濠又賄寧賢求取中旨召其子司香太廟寧言於帝用

異色龍牋加金報賜異色龍牋者故事所賜監國書牋也宸
濠大喜刻牙受賀乃復勸諸生父老奏闕下稱其孝且勤時
邊將江彬新得幸太監張忠附彬欲傾寧賢乘間爲帝言寧
賢盛稱寧王陛下以爲何如帝曰薦文武百執事可任使也
薦藩王何爲者忠曰賢稱寧王孝譏陛下不孝耳稱寧王勤
譏陛下不勤耳帝曰然下詔遂王府人毋留闕下是時宸濠
與士實養正日夜謀恐起事以反各人心未服伺宮車一日
宸濠未位未定乘變卽起益遣奸人盧孔章等分布水陸孔
章等以傳檄濠旬往返蹤跡大露朝野皆知其必反巡撫燧
七上章言之皆爲所邀沮諸權奸多得宸濠金錢湊匿其事
不以聞十四年御史蕭淮疏言宸濠反形已具帝遣駙馬都

尉崔元都御史顏頤壽太監賴義密往核察宸濠聞元等且至乃定計以六月乙亥巳生日宴諸守土官詰旦皆入謝宸濠稱奉太后密旨令起兵入朝劫巡撫燧及副使許逵不從令武士縛出斬之執御史王金主事馬思聰金山參議黃宏許倣廉布政使胡廉參政陳杲劉棐僉事頌鳳指揮許金白昂等下獄參政王綸季教僉事潘鵬師夔布政使梁宸按察使楊璉副使唐錦遂從逆以士實養正爲左右丞相綸爲兵部尚書集兵號十萬命其將涂欽與素所蓄羣盜畧九江南巖破之馳檄指斥朝廷七月壬辰宸濠出江西留其黨宜春王拱樞內官萬鍊等守城自帥舟師蔽江南下攻安慶汀贛巡撫王守仁聞變與吉安知府伍文定等便宜檄諸郡兵諸

郡兵先後至乃使奉新知縣劉守緒破其壘嚴伏兵戊申抵
南昌辛亥城破棋枰銳等皆就擒宮人自焚死宸濠方攻安
慶不克闖南昌破大恐解圍還援守仁逆擊之乙卯遇於黃
家渡賊兵乘風進薄氣驕甚文定及指揮余恩佯北誘賊趨
利前後不相及知府邢珣徐璉戴德孺從後急擊文定還兵
乘之賊潰奔溺斬萬計又別遣知府陳槐林瑊曾與周朝佐
復九江南康明日復戰官兵稍却文定率士卒殊死鬪擒斬
二千餘級宸濠乃退保樵舍明日文定等火攻之宸濠大敗
諸妃嬪皆赴水死將士執宸濠及其世子郡王儀賓并李士
實劉養正徐欽王綸等焚溺死者三萬餘人宸濠自舉事至
賊蓋四十有三日時天子自稱大將軍巡邊聞宸濠反下詔

暴其罪告宗廟章爲庶人逮繫尙書完嬖人寧賢等籍其家
江彬張忠從史帝親征帝仍自稱大將軍邊將江彬許泰朱
暉大監張永張忠等皆授將軍至良鄉守仁報捷將獻俘闕
下檄止之令以俘候車駕至而守仁已械繫宸濠等取道浙
江帝以言者衆留南京遣泰暉及永忠蒐江西餘黨民間不
勝其害檄守仁還江西守仁至杭州遇張永以俘付之使送
行在帝與諸近臣戎服飭軍容出城數十里列俘於前爲凱
旋狀十五年十月回鑾以檻車囚宸濠等至通州誅之封除
初宸濠謀逆其妃婁氏嘗諫及敗嘆曰昔利用婦言亡我以
不用婦言亡悔何及者城王宸濠浮宸濠濫從逆僞稱九江王前
驅方賢雷震死

人失其居而諷謂宗廟之以示惠宸澤辭不受宸濠敗宸
澤得免建安王親鍊善器理宸濠諸父也嘗與宸濠言而樂
屢遷其坐他日宸濠劍其坐復召與語坐不得前他日又名
遂覲鍊辭曰王席根深矣請辭遂不及廟嘉靖四年弋陽王
拱橫等言獻三惠王四服子孫所共祀非宸濠一人所自出
如臣等皆得免別守職業如故而二王不獲廟享臣竊痛之
疏三上帝命弋陽王以郡王奉祀獻惠樂舞齋邸之屬半給
之拱橫聞爽有幹局寧藩廢諸郡王勢頡頏莫能一命拱橫
總攝府事卒諡端惠以樂安王拱樞攝拱樞奏以建安樂安
弋陽三王分治八吏著爲令

石城王奠堵惠王第四子性莊毅寡言笑家法甚嚴靖王與

諸郡王交惡臨川弋陽皆被搆得罪莫堵獨謹約不能坐以
過失子覲鎬孝友有令譽早卒孫宸浮嗣與母弟宸浦庶兄
宸澗弟宸灑皆淫縱殺人弘治十二年互訐奏宸浮宸浦並
革爲庶人宸灑宸澗奪祿宸灑遂從宸濠反嘉靖二十四年
復宸浮宸浦冠帶無子爵除宸澗子拱挺上書爲父澡雪還
爵初宸濠禁諸宗室學儒生有出入宗人間者輒文致於獄
拱挺沈毅嗜學獨處一室朝夕諷咏著巢雲集四卷卒後四
十年子多煇始梓傳之其後嗣亦多能文者

鎮國中尉謀璋字鬱儀曾祖宸浮石城鎮國將軍却宸濠餽
遺以剛正著祖拱概輔國將軍嘗作家訓一章以誨宗人父
多煇奉國將軍端謹好經術親課璋經史謀璋東脩自好

貫帛羣籍通曉朝家典故諸王子孫好學教行自周藩中尉
睦樛而外莫及謀瑋者萬曆二十二年廷議增設石城宜奉
管理命謀瑋以中尉理石城王府事得効治不法者典藩政
三十年宗人咸就約束暇則堦戶讀書著易象通八卷詩故
十卷春秋戴記魯論箋二十卷金海百二十卷異林十六卷
駢雅二卷水經注箋四十卷古文奇字輯解六書本義說文
舉要若干卷書凡百十有二種皆手自繕寫黃汝亨爲進賢
令投謁抗禮劇談久之逡巡改席次日遂北面稱弟子人兩
稱之病革猶與諸子說易至夜分有星光大如斗墜里中棲
鳥皆悲鳴越二日而逝子八人皆賢而好學人以元凱目之
謀瑋又與從弟謀晉善謀晉字公退少英敏築室龍沙之旁

躬耕賦詩詞旨婉約著蕪城中車二集

奉國將軍拱禱字茂材瑞昌恭僖王奠墀四世孫博辯儒雅有智數父宸渠爲宸濠累逮繫中都兄拱柄請以身代拱禱左右之卒得白嘉靖九年上書請建宗學令宗室設壇墀行耕桑禮謹祀典加意恤刑皆得旨俞允捐田白鹿洞贍來學者與兄拱柄並以聲譽致諸貴游其後以議禮稱旨拱柄亦上大禮頌一章並賜敕褒諭子鎮國中尉多燿字宗良辭賦典麗始與羣從多燿齊名晚益折節虛已獎掖後進拱柄子多斡博雅以孝行聞萬曆二十二年薦攝瑞昌府事命下而

卒

奉國將軍多燿字用晦瑞昌王五世孫父拱柄以儒素率子

弟無公族豪倨之習故多燧少而折節讀書攻苦特甚里人
余曰德與李攀龍王世貞友爲多燧延譽世貞定續五子多
燧與焉晚節嗜黃冶閉關絕慶弔禮再舉宗正諸宗多不附
是時建安府奉國將軍拱樞樂安府鎮國中尉多熔並文雅
著名拱樞著瑞鶴堂詩集多熔著支離市隱集北郭子魚樂
詞三十餘卷

奉國將軍多熅字中美瑞昌王五世孫澹雅好學與弟多燧
孝友篤至是時羣從多燿多炘以秉禮嚴重見稱多炫多燁
以慷慨好施動遠近多熿多燧多炘則用詞賦結客皆聲譽
顯著而多熅與從兄多燧獨杜門却掃購異書數萬卷耽玩
校讐以爲樂萬曆中督撫馬理瑞昌藩政謝不起善行草好

事者購之多燧子謀靖多焜子謀整多燉子謀圭謀愛皆有
名

輔國將軍多燧瑞昌王五世孫父拱樛以宸濠事被逮多燧
甫十餘齡哭走軍門乞以身代王守仁見而異之嘉靖二年
疏訟父冤得釋歸復爵時諸郡王統於弋陽而瑞昌始王不
祀多燧自謂小宗宜典宗祫請於朝特敕許焉乃益祭田供
烝嘗修飭家政儼若朝典四子皆莊謹有父風子謀守孫統
鑑尤嗜學各聚書十餘萬卷手自讐校撰古史編年十卷

奉國將軍多煌寧惠王第五子弋陽王奠壘五世孫也父輔
國將軍拱檜喜賓客著負初集二卷多煌孝友嗜學弋陽五
傳而絕宗人舉多煌賢能敕攝弋陽府事瑞昌諸宗皆屬焉

多煌廉靜寡欲與弟多炆多燦多炤皆用文雅結交遍遠近諸子謀壯謀趨謀重又嫺詞藻善承父志暇則開園亭與賓從雅歌賦詩以爲樂著委蛇集四卷淑人熊氏早卒義不再娶獨處齋閣者二十六年萬曆四十一年撫按以多煌行誼政績上聞詔褒之會病卒詔守臣加祭一壇蓋異數云多炆字貞吉亦奉國將軍穎敏絕人善詩歌兼工書畫始與宗人多燬謀燒謀境等結詞社久之游道益廣談藝者皆向慕時輕裝出遊變姓名爲來相如嬉覽山水蹤跡遍吳楚間所至僑寓家居以鐵冑戶限賓客雜沓悉凡再易晚病廢猶不廢吟誦臨終命子謀暉等以白幘鶴斂樽側並鐫勒銘識門人私諡曰清敏先生崇禎末有請與謀埜俱特賜諡如

私議不果著五遊勅遊諸集謀墾亦有文集效其八
爲來鯤字子魚出遊三湘吳越間時樂安輔國將軍
詩癖造語新奇與謀墾及謀墾修竹林之遊
終其世無忤也

岷莊王榷太祖第十八子母周妃生而英毅沉重有計

二十四年封藩岷州二十八年以雲南新附宜親王鎮撫改
雲南有司請營宮殿帝令暫沽榷亭俟民力稍紓而後作建
文初削諸王護衛西平侯沐晟伺王過言於朝廢爲庶人流
潭州官屬皆誅死永樂初復王榷以晟媒孽之與交惡帝賜
書諭榷而召戒晟榷益沉湎廢禮擅收方面印信殺戮吏民
成祖怒奪冊寶尋念王建文中久囚繫復之削其護衛仁宗

卽位徙武岡寄居州治久之始建王宮景泰元年薨恭王徽
燥嗣初世子徽煖宣德初訐其弟徽燥誹謗仁廟宣宗疑其
詐召徽煖徽燥及所適閹監至京面質事果誣斬閹監而遣
徽燥等歸徽煖嗣位弟廣通王徽燥有勇力家人段友洪以
技術得寵後軍都事于利賓言徽燥有異相當主天下遂謀
亂作偽敕分遣友洪及蒙能涼添仔入苗中誘都叛塞苗楊
文伯天柱塞苗金龍錫以銀印金幣使發兵攻武岡文伯等
不敢受友洪爲徽燥所執都御史李實以聞遣駙馬都尉焦
敬中官李琮徵徽燥入京師湖廣總督王來總兵官梁珪復
發陽宗王徽燾通謀狀亦徵入皆除爵幽高牆時景泰二年
也四年徽燥請入朝不許天順七年薨子順王音堃嗣病瘋

痺屢年不起次子安昌王膺鋪侍寢嘗藥晨久不寢左右音
堊感其賢孝言之朝憲宗特書獎之成化十六年薨子簡王
膺鈺嗣居喪飲博無度承奉劉忠禁制之乘醉擊碎忠首已
而殺忠事聞革冠帶停封居四年乃嗣弘治十三年薨子靖
王彥汰嗣與弟南安王彥泥訐陰事彥泥廢爲庶人彥汰亦
半廢嗣擅權革爵令其子譽榮攝理府事嘉靖十年譽榮辭
攝父乞恩禮官引趙王見潯陽曲王鍾鎬例授冠帶理府
事十二年乞復爵不許十五年以兩宮徽號恩復王二十三年
年薨子康王譽榮嗣三十一年薨子憲王定耀嗣薨以南充
王幹廷爲世子未立而卒諡僖靖孫金鈔亦卒曾孫禋洪天
慶二年嗣宗禎元年薨無子叔企鏗嗣封企鏗幹廷子企鈔

弟也十六年盜陷武岡金鑑見殺

谷王穗太祖第十九子母郭惠妃洪武二十四年封二十八年三月就藩宣府宣府上谷地故曰谷王燕兵起穗走還京守金川門燕師既渡江穗登城望見成祖麾蓋開門迎成祖成祖德之卽位賜穗樂七奏衛士三百賚金銀槍大劍黃金幣馬徒藩長沙增歲祿二千石官其護衛張興都督僉事儀衛正張成都指揮使穗居長沙橫甚忠誠伯茹瑄歸里不謁穗穗白之帝下詔獄死益驕肆招匿亡命習兵法戰陣造戰艦弓弩器械大創佛寺度僧千人爲咒詛日與都指揮成者吳智劉信謀呼成師尙父智信國老令公僞引讖書我皇十八子與讖合傳播惑衆穗行次第十九以趙王杞

藩而卒故云元夕獻燈謀選壯士教之音樂同入禁中伺隙
爲變奪民田侵公稅殺無罪人長史虞廷綱數諫誣廷綱誹
謗磔殺之張興懼禍及因奏事北京白其狀帝不信興過南
京啟太子曰臣冒死聞上上顧不信臣言臣萬死願殿下垂
憶臣言他日得無連坐滅臣家懋致書蜀王爲隱語曰德蒼
時不可言桓文之事桓文時不可言德蒼之施欲結蜀王爲
援蜀王貽書切責不聽已而蜀王子崇寧王悅燂得罪逃懋
所懋因詭衆往年我開金川門出建文君今在邸中我將爲
申大義事發有日矣會蜀王上變告帝嘆曰朕待懋厚張興
常爲朕言不忍信今果然立命中官持敕諭懋歸悅燂於蜀
且召懋入朝懋至帝示以蜀王章伏地請死罪諸大臣廷劾

櫛曰周虢管蔡漢辟瀛長皆大義滅親陛下縱念櫛奈天下
何帝曰櫛朕弟朕且令諸兄弟議承樂十五年正月楚王楨
周王禰蜀王椿等各上議櫛違祖訓謀不軌蹤跡甚著大逆
不道誅無赦帝曰諸王羣臣奉大義國法固爾吾寧生櫛削
櫛及二子爵誅諸通謀者與以先發不坐

韓憲王松太祖第二子母周妃洪武二十四年封開原帝
使由周歷秦晉抵燕齊見五王松英敏通古今恭謹無過永
樂五年薨竟未之藩子恭王冲焮嗣時成祖已割棄三衛地
開原逼塞不可居二十二年改封平涼仁宗卽位召冲焮與
弟襄陵王冲焮樂平王冲焮入朝各獻詩頌仁宗嘉稅賜金
幣有差宣宗初請徙江南不許請蠲護衛屯租建邸第許之

遣主事毛俊經度並建襄陵樂平二邸及岷州廣福寺陝西
守臣言歲歉請輟工帝令繕王宮罷建寺役平涼接邊徼聞
謀充斥冲烺習邊鄙利弊正統初上書極言邊事賜書褒答
五年薨子懷王範圮嗣九年薨弟靖王範埡嗣景泰元年薨
子惠王徵鈔嗣弟漢陰王徵鋌無子妃父周恂取他人子冒
爵事發斬恂沒其家冒封子女皆賜死成化五年徵鈔薨初
土木之變冲烺赴京師勤王會解嚴下書慰勞及成化六年
寇入河套冲烺復請率子瑁擊賊憲宗止之冲烺兄弟並急
王事以藩禁嚴置不省自是宗臣無預兵事者徵鈔世子偕
沔早卒弟悼王偕沈嗣十年薨弟康王偕濬嗣弘治十四年
薨子昭王旭繼嗣性忠孝能詩工書畫居藩有惠政韓土瘠

祿溥弟建寧王旭楯至以受封金冊質於宗室偕決事聞廢
爲庶人諸貧宗往往凌劫有司平涼知府吳世良鄺衍任守
德王松先後被窘辱嘉靖十三年旭楯薨子定王融熾嗣懋
宗室之橫頗繩以法不逞者怨之三十二年襄陵王融焚長
樂王融燁慶陽王謨塾及諸宗二百餘人訐奏王奸利事勘
無實章融焚等祿四十四年融熾薨子謨典先卒諡悼恭世
宗末年以宗祿不足詔身不及王者許其嫡長子繼王餘子
如故秩謨典以世子不及王王其長子朗錡餘子止鎮國將
軍無封號追諡謨典爲安王萬曆三十四年朗錡薨諡曰端
王世子景浚孫遠杞皆早卒曾孫亶墀立追封景浚爲簡王
遠杞爲莊王崇禎七年請復封初平涼衛募軍三千人以屯

山充餉爲守禦得旨未行十六年賊屠平涼亶壻亦被害

襄陵王冲炆憲王第二子忠孝有至性母病籲北辰剖股和藥病良已及卒終喪毀瘠每展墓必率子孫躬舂錘培冢先後鑿書褒美者六卒諡莊穆子範址服其教敏學篤行母荆罹危疾亦到股肉和湯進之愈其後五世同居門內雍肅嘉靖十一年賚以羊酒文幣韓諸王以襄陵家法爲第一王孫徵鑑病卒聘杜氏未婚父母謀改聘杜不可願歸徵鑑家志操甚厲詔賜旌表

瀋簡王模太祖第二十一子母趙貴妃洪武二十四年封永樂六年就瀋潞州宣德六年薨子康王佶煇嗣景泰中數隨州官置酒大會巡撫朱鑑以聞帝令諸王非時令壽節不得

輒會有司飲酒者爲令天順元年薨子莊王幼學嗣正德十一年薨莊王七子長恭王詮鉅嗣次詮鉢靈川王詮鏞宜山王詮鏞宿遷王詮鏗吳江王詮鏞定陶王詮鏞雲和王嘉靖六年詮鉅薨子勛泚封福山王前卒子肩橙攝府事九年薨無子再從弟憲王肩柎攝府事凡十年乃嗣封當是時詮鏗子吳江王助清及宜山王詮鏞並爭立帝皆切責之而令肩柎嗣乃追封勛泚曰靖王肩橙曰懷王肩柎靈川王詮鉢孫助潛子也亦追封詮鉢爲安王助潛爲惠王而以助潛次子肩樞爲德平王續靈川之後二十八年肩柎薨子宜王恬煖嗣好學工古文詞審聲律萬曆十年薨弟安慶王恬燿鎮康王恬煒穆宗時皆以孝義旌宣王七子長定王埕堯嗣仁孝

慎弟瑄垣瑄幾封郡王其下例不得封朝廷獎王恭復封
瑄瑄瑄瑄瑄等郡王而不與王祿萬曆年薨子效
備嗣

沁水王瑄增濟簡王七世孫也隆慶元年嗣爵工詩喜士任
來多布衣交名譽藉甚所著衡漳藁滄海披沙集詞多可觀
前此有德平王胤梃淵鬱負雋才與宗人衡府新樂王載璽
周府中尉睦樛襄垣府俊際晉府康衢秦府玉華齊名俊際
著五懷詩述其事復有鎮國將軍恬焯子輔國將軍瑄圻與
瑄圻瑄瑄瑄結爲詞社日相賡和時稱藩國多才焉

清源王幼圻康王第三子正統十一年封博學能文詞有飲
河集二十五卷續集八卷家訓詠史若干卷輔國將軍勳

字叔文雅好爲詩與從子肩杉肩杓增祈及諸名士譙游廣和海內稱之皆清源之後也

安惠王禩太祖第二十二子洪武二十四年封平涼永樂六年就藩十五年薨無子封除盡革府僚及樂戶留典仗校尉百人守園洪熙初韓恭王改封平涼就安王邸後英宗令官校兼韓長史供安王祀暇日給韓憲王子襄陵王冲炆使令景泰五年冲炆遂乞承安王祀正德十二年嗣襄陵王徵鈐遂得請樂戶祀安王明年樂平王徵鏞援徵鈐例以請禮部言親王有樂戶郡王別城居者有事假鼓吹於有司其附親王國者假樂戶於長史司因併革樂戶供祀樂戶嘉靖二年神宗旭懋復爲代請帝以安王故特允徵鈐徵鈐卒韓王融

繼又令長史革之徵鉉長孫旭楨上言禮樂自天子出韓王
不宜擅予奪融燧亦言親王郡王禮樂宜有降殺帝曰樂戶
爲安王祀也給如故

唐定王經太祖第二十三子母李賢妃洪武二十四年封永
樂六年就藩南陽十三年薨子靖王瓊經嗣綜覈有矩矱爲
成祖所喜入朝五日三召見宣德元年薨妃高氏未冊而王
卒自經以殉詔封靖王妃弟憲王瓊烜嗣成化十一年薨世
子芝壩先卒諡悼簡弟莊王芝址嗣莊王弟三城王芝坭博
極羣書弘治二年敕賜五經四書營御書樓翫易洞著進修
藁若干卷蕩陰王之堯偶儻好文與三城並稱而承休王之
垠者憲王繼妃焦氏子妃愛之遇節且召樂婦入宮戲笑芝

址詰之語不遜焦怒持鐵鎚擊宮門芝址閉不敢出妃弟璟
誣王旨繼母憲宗章芝址銜久之始復成化二十一年薨子
成王彌鎔嗣肆力經史被服儒素與賢士大夫遊孝宗時上
疏言朝廷待親藩生爵歿謚親親至矣間有惡未敗聞歿獲
美諡是使善者怠惡者肆也自今宜勸實用寓彰輝禮臣請
降敕獎諭勉厲諸王詔可武宗喜遊幸彌鎔作憂國詩八章
以譏且上疏以用賢圖治爲言著甕天小藁并家教若干卷
弟文城王彌鎔穎哲儉素博學好賓客父莊王最愛之王及
母妃卒奉殯徒步數十里哀號不絕著宗訓直言秋江詞謙
光堂集撫弟郟城王彌鉞衛輝王彌鎔皆得其歡心與王彌
鎔友愛尤篤嘉靖二十一年彌鎔薨無子弟文城王彌鉞子敬王

宇溫嗣追諡彌鉗曰恭王嘉靖二十一年獻金助太廟工賜
玉璫一歲益祿二百石三十九年薨子順王宙祿嗣四十三
年薨子端王碩熿嗣崇禎五年薨子器盛隆慶時封世子後
端王惑於嬖人囚器盛及其子聿鍵器盛竟中毒死聿鍵嗣
追封器盛爲裕王聿鍵事別載

彌鉞承休王芝垠子芝垠以驕縱與莊王交訐失令名彌鉞
折節蓋愆喜儒雅嘗彙古法書名曰復齋集古法帖又著存
齋樂府復齋錄十餘卷嗣爵不改布素唐敬王以其行誼上
聞世宗璽書褒之未至而卒葬之日牽紼號泣者數千人子
宇淵嗣宇淵子宙枝好學識典故著皇明統宗繩螿錄

輔國將軍宇洪唐定王次子新野悼懷王瓊繼四世孫也五

歲喪明從師畫掌識文字以耳受書日記千言博通羣籍尤精太乙壬遁曆數方伎多習國家典故善識古器物以手摩之卽得嘉靖中陳便宜數十事著名獻錄辨疑碑各一卷子宙松奉國將軍力舉千斤嗜書好劍孫碩爨字孔炎鎮國中尉博雅工文詞與子器封並以詞章名海內號南陽父子萬曆十六年吏科給事中張應登舉諸藩文行堪宗正者周則女况勤煥勤灶趙則載璋載坑載堆襄則載璋載埜楚則英煥南昌則多貴多征多燧多炳唐則碩爨父子碩爨著巨勝園集友聲集器封著祀志畧參游草附集園集

郭靖王棟太祖第二十四子母劉惠妃洪武二十四年封安陸永樂六年之藩十二年薨無子封除留內外官校守園也

王祀妃郭氏武定侯英女王劬滿月妃慟哭曰王舍我去未
亡人無子尙誰恃引鏡寫容付宮人曰俟諸女長令識母遂
自經卒妃四女一天其三女封光化毅城南漳郡主歲祿各
八百石宣德四年以郢故邸封梁王瞻埒移郢宮人居南京
伊厲王構太祖第二十五子母葛麗妃洪武二十一年生生
四年封洛陽永樂六年之藩歲祿僅二千石王好武不樂居
宮中時時挾彈露劍馳逐郊外奔逃不及者手擊之血濺衣
卽衣血衣不肯易髡裸男女以爲笑樂十二年薨子簡王頤
煥嗣縱口官擾民洛陽人苦之河南知府李驥稍持以法頤
煥誣驥他事宣宗逮治驥已而釋之治王左右英宗時上表
乞不恭屢被譙讓天順六年薨世子上洛王勉堡先卒世孫

焯王諲胤嗣追封勉堡安王成化十一年薨弟定王諲鈔嗣好學崇禮居喪過哀遇忌終日泣不食歲時祀先致齋於外郡王諸將軍中尉非慶賀不褻見民間高年者禮下之正德三年薨子莊王訥淵嗣嘉靖五年薨弟敬王訥淳嗣讀書好禮母喪三年不入內以祿薄上言先朝以河南課鈔萬七千七百貫准祿米八千石嘉靖八年革諸王請乞租稅田湖伊府課鈔亦在革中乞補祿戶部言課鈔本成弘間請乞非永樂時欽賜比河南一省缺祿者八十餘萬宜不許帝從部議二十一年薨子典模嗣貪而愎冬持河南吏短長不如指必搆之去既去復折辱之有通判不事模及去使數十人要之途拔其髭髮立盡御史行部過北邙山外模要笞之縉紳往

來率紆折取他境經郭外者追挽其車置其不朝入朝者復辱以非禮知府張柱初至官校尉數百人把持府事柱榜門有納伊府校尉者死典模怒使伶人守府門伺柱出俳弄之府瀟敝請更築乃奪郡治及學宮地以廣其宮郎中陳大壯與邱鄰索其居不與使數十人從大壯卧起奪其飲食大壯至竄入郡獄與郡囚俱數月始出典模使人持大壯益急卒餒死屍潰始獲棺殮典模所爲宮崇臺連城擬帝闕有錦衣官校之陝者經洛陽典模忽召官屬迎詔鼓吹擁錦衣入捧一黃卷入宮衆請開讀曰密詔也遂趨錦衣去錦衣謂主厚待之不知所以其夜大張樂至唱府中皆呼千歲詐謂天子特觀我也閉河南府城大選民間子女七百餘留其姝麗者

九十人不申選者令以金贖死者無算事聞革祿三之一令壞所僭造宮城歸民間女執羣小付有司其模不奉詔部牒促之布政使持牒入見模曰牒何爲者可用障櫺耳河南吏召卒墮其城方半數百人持梃逐卒卒多死民素怨典模諺曰王反矣僉事林騰蛟具疏典模毒殺之法司具言伊王典模淫亂暴棄禮義失藩王節陛下曲赦再四終不渝改奸回日甚宜如徽王載堦故事禁錮高牆削除世封詔從其議子褒燿亦廢安置開封

皇子楠太祖第二十六子洪武二十六年生踰月卒

靖江王守謙太祖從孫父文正南昌王子也太祖起兵時文正母王攜文正從軍中帝與高后撫如已子比長涉傳詔統

勇畧隨渡江取集慶路已有功授樞密院同僉太祖與語若
欲何官文正對曰叔父成大業何患富貴爵賞先及私親無
以服衆太祖善其言益愛之太祖爲吳王命爲大都督節制
中外諸軍事及再定江西調漢都重鎮屏翰西南非骨月重
臣莫能守乃命文正統元帥趙得勝等鎮其地以儒士郭忠
章劉仲服爲參謀文正增城浚池招集山寨未附者號令明
肅遠近震懾居無何友諒率舟師與十萬圍洪都文正數程
其鋒堅守八十有五日城壞復死者數十丈友諒掠吉安
臨江俾其守將徇城下不爲動趙相繼舉兵來援友諒乃解
去與太祖相拒於鄱湖友諒掠糧都昌文正遣方亮來善其
糧道絕卒殲友諒復遣何炎煥等帥舟師來解江面之圍

文正功居多太祖還京告廟飲至賜幣遇釋廖承忠及諸將士金帛甚厚念文正前言知大體錫功何有待也文正雖不能無少望性素平急至是益暴怒無常屢任操吏衛司遠舉部中子女按察使李飲冰奏其驕侈願望太祖遣使諄責文正漸懼飲冰益高其有異志太祖卽日登舟望城下道人羅之文正倉卒出迎太祖持之泣曰汝何爲者遂載與俱歸廷臣請竟其事高后力解之曰兒天性剛耳無他也免官遷置桐城尋命督築荊州城事峻將復之未幾卒飲冰亦以他事伏誅文正之謫也守謙甫四歲太祖撫其頂曰兒無恐爾能倚訓教胎我憂我終不以汝故廢爾習之官中守謙後爲翰林學士以請于帝帝告廟退後煇洪武五年更名守謙村

靖江王祿視郡王官屬親王之半命者儒楷壞爲長史傅之
既長之藩桂林桂林有元順帝潛邸改爲王宮上表謝太祖
覽之泣下沾襟敕其從臣曰從孫幼而遠鎮西南其善導之
爲著昭鑑錄守詠知書而性特戾比羣小恣淫虐粵人怨咨
召還戒諭之守謙作詩怨望帝怒廢爲庶人居鳳陽七年復
其爵徙鎮雲南使其妃弟徐溥同往賜書戒飭之語極摯切
守謙暴橫如故召還安置鳳陽復以強取牧馬召至京錮之
二十五年卒子贊儀幼命爲世子三十年春遣省秦晉燕周
楚齊蜀湘代肅遼慶谷十三王自湘楚入蜀歷陝東西抵河
南山西北平東至大寧遼陽還自山東使知親親之義熟山
川險易習勞苦贊儀恭慎好學永樂初之藩使蕭用道爲長

史用道善輔王王亦敬禮之薨諡悼僖初給銀印宣德中改
用金塗子佐敬嗣正統初與其弟奉國將軍佐敏相訐奏薨
連大學士楊榮帝怒戍其使人薨諡崇簡子相承先卒追諡
悼順子規裕嗣薨諡昭和平約麒嗣以孝謹聞已病痛着道
士衣冠夜出守臣以聞薨諡端懿子經扶嗣好學有儉德嘗
爲敬義箴薨諡安肅子邦寧嗣與巡按御史徐南金訐奏遺
官覆實奪寧祿米六月罪官校趙相等薨諡恭惠子任昌嗣
薨諡康僖子履燾嗣薨諡溫裕無子康僖王弟輔國將軍任
晟嗣薨子履祐嗣薨子亨嘉嗣其後北京陷招集諸蠻起兵
自稱陸國爲下魁楚瞿式耜所殺

明史稿

明史藁

列傳第五

光祿大夫 經筵講官明史總裁戶部尚書加七級 王鴻緒表

敕編撰

諸王三

漢王高煦

趙簡王高燧

鄭王瞻埈

肅王瞻垠

越王瞻墉

襄王瞻墉

荆王瞻埈

淮王瞻埈

滕王瞻埈

梁王瞻埈

衛王瞻埈

德王見濬

許王見淳

秀王見澍

崇王見澤

古王見浚

沂王見洽

魯王見沛

成祖三子長仁宗

漢王高煦成祖第二子母文皇后負氣力凶狠狡悍初太祖
時召王世子諸子學於京師高煦顧不肖學言動輕侮太祖
惡之及太祖崩建文帝卽位成祖奔喪至淮安敕令歸乃遣
仁宗及高煦入臨抵京師舅徐輝祖以其無賴密戒之不聽
盜輝祖善馬徑渡江馳歸途中輒殺民吏至涿州又殺驛丞
於是朝臣舉以責燕燕謀益急成祖起兵仁宗居守高煦從
嘗爲軍鋒白溝河之戰成祖先以七騎馳擊馬被創凡三處
矢三服皆盡前薄於隄幾爲罌能所及高煦見事急帥精騎

數千直前決戰遂斬能父子於陣而平安亦敗及成祖東昌
之敗張玉戰死成祖隻身走以一騎殿後適高煦引師至擊
退兩軍已復破盛庸軍徐輝祖敗燕兵於浦子口燕將見南
軍盛欲退而高煦領蕃騎來成祖大喜撫其背曰吾力疲矣
兒當鼓勇再戰高煦麾所引蕃騎力戰庸軍遂却成祖屢瀕
於危而轉敗爲功者高煦與有力焉成祖以爲類已而高煦
亦以此自負謂非藉其死力王業不能成也然高煦恃功所
爲多不法成祖屢戒諭之旣而卽位議建儲淇國公丘福駙
馬王寧善高煦時時稱二殿下功高成祖曰居守功高於扈
從儲貳分定於嫡長且元子仁賢直社稷主汝等勿復妄言
永樂二年七月

太子封高煦漢王就藩雲南高煦曰

我何罪斥我萬里不冒行成祖不悅仁宗力解得暫留南京
高煦遂請得天策衛爲護衛口害太宗天策上將吾得之豈
偶然已復乘間請益兩護衛曰我英武豈不類秦王所爲益
恣嘗以成祖命同仁宗謁孝陵仁宗體肥重且足疾兩中使
掖之行恒失足高煦從後言曰前人蹉跌後人知警皇太孫
應聲曰更有後人知警也高煦回顏色變太孫卽宣宗也言
煦長七尺餘輕矯善騎射兩腋若龍鱗者數片旣負其雄武
又每從北征在成祖左右騎媒孽東宮事譖解縉中傷黃淮
等皆繫獄十三年改高煦封青州又不欲行成祖始疑之賜
敕曰旣受藩封豈可常居京邸前以雲南遠憚行今封青州
又託故欲留侍前後殆非實意茲命更不可辭然高煦遷延

自如私選各衛健士成祖聞而不許又募兵三千人不隸籍
兵部縱使劫掠兵馬指揮徐野驢擒之高煦怒手鐵爪搥殺
野驢衆莫敢言遂僭用乘輿器物成祖聞之怒十五年三月
還南京召高煦按驗盡得其不法數十事切責之褫服囚繫
西禁門將廢爲庶人仁宗爲滄泣力救乃削兩護衛誅其左
右狎昵徙封樂安州趣卽日行成祖顧仁宗及太孫曰樂安
近北京卽聞變朝發可夕擒高煦至樂安怨望異謀益急仁
宗數以書戒不悛成祖北征晏駕高煦子瞻圻在北京凡朝
廷事潛遣人馳報一晝夜六七行高煦亦日遣人潛伺京師
幸有變仁宗知之顧益厚遇遣書召至增歲祿賜賚萬計仍
命歸藩先是瞻圻以父殺其母屢發父過惡成祖曰爾父子

何忍也至是高煦入朝悉上瞻圻前後覲報中朝事仁宗召示瞻圻曰汝處父子兄弟間讒構至此穉子不足誅遣守皇陵二十二年十月封高煦嫡子瞻坦爲漢世子次瞻奎濟陽王瞻域臨淄王瞻埤昌樂王瞻墀淄川王瞻圻東齊王瞻墀任城王瞻垠海豐王瞻邲新秦王未幾仁宗大漸宣宗自南京奔喪高煦謀伏兵邀於路倉卒不果及帝卽位賜高煦及趙王視他府特厚高煦僞陳利國安民四事帝命有司施行仍復書謝之因語羣臣曰皇祖嘗諭皇考及朕謂汝叔有異志宜備之然皇考待之極厚如今所言果出於誠則是舊心已革可不順從凡有所請曲徇其意索駝馬袍服皆立與高煦益自肆宣德元年八月遂反遣枚青潛至京約英國公張

輔內應輔繫青立聞於朝又約山東都指揮靳榮等及濟南
爲助又散弓刀旗令宜定諸衛所盡奪傍郡縣畜馬立五軍
都督府指揮王斌領前軍韋達左軍千戶盛堅右軍知州朱
恒後軍諸子各監一軍高煦自率中軍世子瞻坦居守指揮
韋弘韋興千戶王玉李智領四哨部署已定僞授王斌朱恒
等太師都督尚書等官御史樂安李溶變姓名間道詣京上
變帝猶不忍加兵遣中官侯泰賜高煦書泰至樂安高煦盛
兵見泰倨傲不拜敕南而坐令泰跪大言曰永樂中信讒削
我護衛從我樂安仁宗徒以金帛餌我今輒云祖宗舊制殊
令吾鬱鬱豈能久居此汝試觀我士馬豈不橫行天下汝歸
報急縛奸臣夏原吉等來徐議我所欲泰懼唯唯而已比還

帝問漢王何言治兵何如泰皆不敢以實對是月高煦遣百戶陳剛進疏更爲書與公侯大臣多所汗巖帝嘆曰漢王果反乃議遣武清伯薛祿往討大學士楊士奇等不可遽定親征議論張輔輔對曰高煦素懦其將士非有謀能戰者願假臣兵二萬擒獻闕下帝曰卿誠足擒賊顧朕卽位小人或懷二心不親行不足安反側於是車駕發京師過楊村馬上顧從臣曰度高煦計安出或對曰樂安城小彼必先取濟南爲巢窟或對曰彼曩不冒離南京今必引兵南帝曰不然濟南雖近未易攻聞大軍至亦不暇攻護軍家樂安必內顧不冒徑趨南京高煦外誇詐內實怯臨事狐疑展轉不能斷今敢反輕朕年少新立衆心未附又謂朕不能親征卽遣將來

得公甘言厚利誘幸成事今聞朕行已膽落敢出戰乎至卽
矣高煦初聞祿等將兵攘臂大喜以爲易與及聞親征始
懼時有從樂安來歸者帝厚賞之令還諭其衆仍遺書高煦
曰張敖失國始於賈高淮南被誅成於伍被今六師壓境王
卽出倡謀者朕與王除過恩禮如初不然一戰成擒或以王
爲奇貨縛來獻悔無及矣帝英暢神武詞旨明壯王師氣盛
龍旗鉦鼓千里不絕前鋒至樂安高煦約書曰出戰帝令大
軍蓐食兼行駐蹕樂安城北壁其四門賊棄城舉砲王師發
神機銃箭聲震如雷城中股慄諸將請卽攻城帝不許再啟
諭高煦皆不荅城中人多欲執獻高煦者高煦大懼乃密遣
人詣行幄願假今夕訣妻子明日出歸罪帝許之是夜高煦

盡焚兵器及通逆謀書昧爽帝移蹕樂安城南高煦將出城
王斌等力止曰寧一戰死無爲人擒高煦給斌等復入宮遂
潛從間道出見帝羣臣請正典刑不允以劾章示之高煦頓
首言臣罪萬萬死惟陛下命帝令高煦爲書召諸子同歸京
師赦城中罪止誅同謀脇從者不問遂執王斌等下行錦衣
獄令尚書張本領撫樂安遂班師廢高煦父子爲庶人錮之
逍遙城王斌朱恒盛堅典仗侯海長史錢異教授錢常皆伏
誅惟長史李默以嘗諫免死謫口北爲民天津山西青州滄
州諸都督指揮約舉城應者事覺相繼誅六百四十餘人其
故縱與藏匿坐死戍邊者一千五百餘人編邊氓者七百二
十人帝遂製東征記以示羣臣云帝一日欲往視高煦左右

止之不聽及至熟視久之高煦意伸一足勾帝仆地左右亟扶起乃命壯士昇銅缸覆之約重三百斤高煦項負之輒動帝命積炭缸上燃之逾時火熾銅鎔高煦死諸子並死

趙簡王高燧成祖第三子母文皇后永樂二年封洪熙元年就藩彰德自負有靖難功密與漢王高煦謀奪嫡時譖太子於是太子宫寮多得罪有繫獄死者永樂二年居守北京恣行不法七年帝問之大怒誅其長史顧景禔高燧冠服以太子力解得免擇國子司業趙亨道董子莊爲長史輔導之高燧稍改行二十一年五月帝不豫護衛指擢孟賢等結欽天監官王射成及內侍養子造僞詔俟晏駕詔從中下立趙

王總旗王瑜有姻家高以正者爲賢等畫謀謀定告瑜瑜上
變帝曰豈應有此立捕賢得所造詔誅賢射成以正及內侍
諸養子陞瑜遼海衛千戶高燧大懼復稍稍斂戢仁宗卽位
加漢趙二王歲祿二萬石通前三萬石封王長子瞻坂爲趙
世子次瞻塢爲安陽王宣宗初卽位賜田園八十頃高煦反
爲帝禽歸班師至單橋陳山迎駕遂言曰趙王與高煦共謀
逆久矣今宜藉此兵威移指彰德擒趙王否則趙王反側不
自安異日復勞聖慮帝以問楊士奇士奇爭不可山又詣尚
書寮義夏原吉邀二人共請帝曰先帝友愛二弟甚漢王自
絕於天朕不敢赦趙王反形未著朕終不忍負先帝也高煦
至京亦言嘗遣駱指揮阮內使與趙通謀帝以其詞及羣臣

章遣廣平侯持示高燧高燧大懼乃請還常山中護衛及羣
牧所儀衛司官軍校帝命收其所還護衛而與之儀衛司宣
德六年薨世子瞻坂先卒弟惠王瞻塙嗣景泰五年薨子悼
王祈鈺嗣天順四年薨子靖王見潛嗣惠王悼王皆頗有過
至見潛惡尤甚屢賊殺人又嘗乘醉欲殺其叔父詔奪祿米
三之二去冠服戴民巾讀書習禮其後二年見潛母妃李氏
爲請乃得冠服如故見潛卒不能改愛幼子祐枳遂誣長子
祐樛以大逆復被詔誚讓弘治十五年薨子莊王祐樛嗣亦
多酒色過正德十三年薨子康王厚煜嗣事祖母楊妃以孝
聞嘉靖七年六月璽書褒予明年冬境內大饑厚煜上疏請
餼祿一千石以佐賑帝嘉王憂國詔守臣發粟不允所辭及

帝南巡厚煜遠出迎命益祿三百石厚煜性和厚博古嗜學
文藻弘麗折節愛賓客常獨居一樓著居敬堂集十二卷嘉
清三十九年薨先是趙府輔國將軍祐棨等數犯法與有司
爲難厚煜庇祐棨卒得罪厚煜并見責讓其後有司益
務以事裁抑諸宗人洛川王翊鏘府人與通判田時雨之隸
爭瓜而毆時雨捕王府人厚煜爲和解不得會宗室數十人
索祿時雨以宗室毆府官白於上官上官令知府傳汝勵盡
捕各府人厚煜忿恚且愧竟自縊死厚煜子成臯王載琬疏
聞於朝下法司按問時雨棄市汝勵戍極邊厚煜薨子載培
及載培子翊鏘皆前卒翊鏘子穆王常清嗣追封載培恭王
翊鏘安王常清有善行見旌於朝萬曆四十二年薨世子由

松前卒弟壽光王由桂子慈愍嗣
常波襲封崇禎十七年彭德陷遇害
年薨無子穆王弟

仁宗十子長宣宗

鄭王瞻埈仁宗第二子母李賢妃永樂二十二年以皇孫封
同襄王居守宣德四年就藩鳳翔正統八年遷懷慶留京邸
明年就藩瞻埈暴厲斃人杖下英宗以御史周瑛爲長史
稍戢成化二年薨諡曰靖王子祈鐔嗣與弟涇陽王祈銑逼
人致死帝召入戒諭之歸藩不悛長史江萬程驟諫被責辱
帝前後遣駙馬都尉石璟英國公張懋太監王允中齎敕往
諭始上書謝罪弘治八年薨諡曰簡王世子見滋母韓妃不
爲祈鐔所禮見滋愜愜先卒子祐杅嗣追贈見滋僖王正德

二年薨諡曰康王無子從弟東垣王見湏子祐樾嗣追贈見
湏定王十六年薨諡曰懿王子厚焮嗣世宗南巡厚焮迎謁
加祿三百石疏奏母闈太妃貞孝事蹟詔付史館其後帝修
齋醮諸王爭遣使進香厚焮獨不遣上書請帝修德講學進
居敬窮理克已存誠四箴演連珠十章以神仙土木爲規諷
語切直帝怒詔曰前宗室有謗訕者置不治茲復效尤王今
之西伯也欲爲爲之厚焮謝罪罪其長史未幾而有祐樾之
事初祈鑠有子十人次盟津王見懣次東垣王見湏見懣母
有寵於祈鑠規奪嫡不得竊世子金冊以去祈鑠索之急因
怒不復朝所爲益不法祈鑠言之憲宗革爲庶人康王無子
見懣子祐樾應及以前罪廢乃立東垣王子至是祐樾求復

郡王爵懇厚焮不爲奏乘帝怒撫厚焮四十罪以叛逆告詔
謝賜中官卽訊還報反無驗治宮室名號擬乘輿則有之帝
怒曰厚焮訕朕躬在國驕傲無禮大不道錮之鳳陽穆宗
位復玉爵增祿四百石厚焮自少迄老布衣蔬食萬曆十九
年薨諡曰恭王世子載堉篤學有至性痛父非罪見繫築十
室宮門外席藁獨處者十九年厚焮還邸始入宮厚焮薨
堉曰鄭宗之序盟津爲長前王見滋旣錫諡復爵矣爵宜
盟津後避之山中禮臣言載堉雖深執讓節嗣鄭王已三
無中夏理宜以載堉子翊錫嗣載堉執奏如初乃以祐樞之
孫載聖嗣而令載堉及翊錫以世子世孫祿終其身子孫仍
封東垣王載堉以二十一年上疏請於神宗宗室皆得儒

就試毋論中外職中式者視才品優健詔允行二十三年秋復上曆算歲差之法及所著樂律書考辨詳確識者稱之在諡端清崇禎中載聖子翊鍾以罪賜死國除時謂載培深六數學始前知云

廬江王載禪鄭簡王元孫也居懷慶崇禎十七年二月賊陷其城載禪整冠服端坐堂上賊至被執欲屈之厲聲曰吾天朝藩王肯降汝逆賊耶詬罵不屈遂遇害賊執其長子翊樞擁之北行三月過定興於旅店作絕命詞遂不食卒於途所立墳塋仁宗第三子母氏無考初封靜樂王永樂十九年薨諡莊愍仁宗卽位追諡獻無後

越王瞻繼仁宗第四子母昭皇后永樂二十二年封衢州未

之藩宣宗賜昌平縣莊田正統四年薨諡曰靖王妃吳氏殉
諡貞惠無後

襄王瞻堦仁宗第五子母昭皇后永樂二十二年封仁宗崩
監國宣宗征漢留守敬恪有令譽宣德四年就藩長沙正統
元年徙襄陽七年來朝英宗北狩諸王中瞻堦最長且賢衆
望頗屬太后命取襄國金符入宮不果召而瞻堦上書太后
請立英宗世子令郕王監國募勇智士迎鑾書至景帝立數
日矣英宗還京師居南內又上書景帝宜旦夕省膳問安率
羣臣朔望見無忘恭願英宗復辟石亨等誣戮于謙王文有
迎立外藩語帝頗疑瞻堦久之從宮中得瞻堦所上二書而
金符圖在太后閣中乃賜書召瞻堦比二書於金滕入朝宴

便殿避席請曰臣過汴汴父老遮道言按察使王槩賢以
逮詔獄願皇上加察帝立出槩命爲大理卿數請還藩賜
衛旂手鷹坊司且令宮殿制如黃屋瞻墀跋蹠謝不敢帝
極善親送至午門外握手泣別瞻墀拜帝亦拜瞻墀逡巡復拜
如是者再帝曰叔父欲何言頓首曰萬方望治如饑渴願少
刑薄斂帝拱謝曰敬受教目送瞻墀出端門乃還四年復
朝帝爲製峴山漢水賦及襄陽四時歌親餞之盧溝橋六年
又召以老辭歲時存問禮遇之盛諸藩所未有也成化十四
年薨諡曰憲王世子祈鏞嗣弘治元年薨諡曰定王子見淑
嗣二年薨諡曰簡王子祐材嗣好鷹犬蓄善馬往返南陽八
百里自耕耨哺妃父井海佐使殺人孝宗戒諭成海及其左

右祐材好方術賜予無節嘗與典郎爭地連逮七十二家獄
久不決大理卿汪綸兩解之得已十七年薨諡曰懷王弟光
化王祐櫝嗣嘉靖二十九年薨諡曰康王初見淑夢兩黃鸞
入端禮門已而祐材祐櫝同月生皆好道術宮中多爲雷壇
丁甲像皆無子從姪陽山王厚頰立祈鏞曾孫也追贈祖見
滂恭王父祐楊惠王時王邸災先世蓄積一空厚頰折節爲
恭儉節祿米以餉邊進金助三殿工兩賜書幣事嫡母王太
妃及生母潘太妃至孝潘卒殯之東偏王太妃曰汝母有子
社稷是賴無以我故避正寢厚頰泣曰臣不敢以非禮加臣
母及葬跣足扶襯五十里士大夫過襄者皆爲韋布交四十
五年薨諡曰莊王子安福王載堯嗣萬曆二十三年薨諡曰

靖王子翊銘嗣崇禎十四年張獻忠陷襄陽王遇害初閣臣楊嗣昌之視師也以襄陽爲軍府增堞浚隍五省餉金弓刀火藥各數十萬聚焉是年二月獻忠邀殺嗣昌使於道奪其符驗以數十騎給入襄城夜半火作遲明賊大至執王南城樓屬盾酒曰王無罪王死嗣昌得以死償王遣殺王及貴陽王常法火城樓焚其屍賊去僅拾顛骨數寸妃妾輩死者四十三人福清王常澄進賢王常淦突關出事聞帝震悼命所司備喪禮諡曰忠王嗣昌朝惠王於荊州謁者謝之曰先生惠顧寡人願先之襄陽常澄走免十七年以常澄嗣襄王寄居九江府後不知所終

襄陽王裕懋襄憲王曾孫力能制犇馬善文章博涉星曆

農醫卜之書嘉靖初上疏請伯孝宗考興獻帝世宗大悅以
其議發自宗人足厭服羣心褒之更請除宗人祿使以四民
自爲生賢者用射策應科第寢不行時襄王祐櫝病廢不事
事承奉邵亨挾權自恣至極死鎮寧王舅祐櫝誘致之挾其
目帝遣大理少卿袁宗儒偕中官錦衣往訊亨論死祐櫝坐
奪爵帝幸承天念祐櫝前疏復之

荆王瞻嫻仁宗第六子母張順妃永樂二十二年封宣德四
年就藩建昌宮中有巨蛇蜿蜒自梁垂也或凭三座瞻嫻大
懼請徙正統十年徙蘄州景泰二年上書請朝上皇不許四
年薨諡曰憲王世子祈鎬嗣天順五年薨諡曰靖王靖王三
子長見瀟嗣次都梁王見溥樊山王見潔見瀟與見溥同母

怨母之曠見溥也。銅母奪其衣食，竟死。出柩於寶，召見溥。入後園，箠殺之，給其地。何入宮，曰：王墜馬死，逼淫之。從弟都昌王見潭妻茆妃美，求通焉。見潭母馬妃防之嚴，見溥髡馬妃，鞭之。囊土壓見潭死，械繫茆妃入宮，嘗集惡少年，輕騎微服，涉漢水，掠人妻女。見溥懼其及也，密聞於孝宗，免爲庶人。銅西內居二年，見溥從西內撫奏，見溥過失，見溥更奏，見溥嘗私造弓弩，與子祐柄謀不軌，事驗之，實賜見溥自盡，廢祐柄。而以見溥子祐櫛爲荆王。時弘治七年也。十七年薨，諡曰和。王子厚焯嗣，性謙和，銳意典籍，尤以篆隸名。嘉靖中病，辭祿不允。令富順王厚焜攝朝，謁厚焜，和王第二子幼孤，無師傅，潛心詞學，至忘寢食，嘗畫蜀葵花，暴日中，峰巒叢集，拂之不

上所著東漸集二卷弟永新王厚亦以能詩名厚炗子載
璵長厚焜卽謝攝事人尤爲賢嘉靖二十二年厚炗薨諡曰
端王子永定王載璵早卒載璵子翊鉅追封載璵恭王荆
自祈鎬諸子交惡失令譽及厚炗兄弟感先世家難以禮讓
訓飭其宗人見滌曾孫載垚尤以文行稱籜冠野服折節士
大夫郡王女例請祿於朝載垚四女皆妻士人不請封嘗上
應詔正禮二疏不報讀易窮理著大隱山人集及茹蠟子三
徑詞子翊鉅翊璽翊璽皆工詩兄弟嘗共處一樓號花萼社
翊鉅表載垚賢以訓諸子諸子不率教也世子常泠尤殘恣
翊鉅言於朝革爲庶人隆慶四年翊鉅薨諡曰莊王次子泰
寧王常浩嗣是年薨諡曰敬王無子弟安城王常盜嗣萬曆

二十五年薨諡曰康王子由樊嗣天啟二年薨諡曰定王子慈翼嗣慈翼之王也盜革裏眼左金王詭降於楚帥慈翼欲與爲好召宴陳帳帷女樂具百人饌以饗兵十六年正月張獻忠陷蘄州慈翼先一月卒賊下令圍王宮盡掠其所見妓樂去妃桂及世子微服遁

淮王瞻墀仁宗第七子母李賢妃永樂二十二年封宣德四年就藩韶州正統元年徙饒州十一年薨諡曰靖王子祈銓嗣弘治十五年薨諡曰康王世子見濂早卒無子弟清江王見灑子祐棨嗣追贈見濂安王見灑端王祐棨游戲無度左右倚勢暴橫境內苦之長史莊典以輔導失職自免詔不許推官汪文盛數持王府事有顧嵩者病狂持刀奔入王門官

校執詰之謬言出注指使典白之守臣鎮守太監黎安嘗以
事至饒從騎入端禮門被撻銜祐榮甚而先是祐榮有名寒
曰天風環珮寧王宸濠求之不得又求濱湖地不與乘是
安奏祐榮過失及文盛被誣事詔下撫按訊安與宸濠謀不
待報遽繫典及府中官校鞠之典辭倨宸濠箠之斃獄中他
所連死甚衆於是祐榮奏安挾仇殺典庇嵩及縱參隨等嚇
取民財帝遣都御史金獻民太監張欽往按治祐榮畏宸濠
不能自明欽等復護安言祐榮信奸徒爲暴請嚴戒之軍校
坐戍者二十餘人典冤竟不白嘉靖三年祐榮薨諡曰定王
無子弟祐榮嗣十六年薨諡曰莊王子厚燾嗣四十二年薨
諡曰憲王子載培嗣萬曆五年薨諡曰恭王子翊鏡先卒弟

建昌王載堅嗣二十三年薨諡曰順王子翊錕嗣翊錕之未
王也與妓王愛善冒妾額入宮且令撫庶子常洪爲子陳妃
與世子常清俱失愛潛謀易嫡御史陳王道以理論翊錕出
之外舍常洪遂與宗人翊鏹等謀夜入王宮盜冊寶資貨以
出守臣上其事王愛論死勒常洪自盡翊鏹等削屬籍永錮
奪翊錕四歲祿

二十一年薨子常清嗣

滕王瞻埈仁宗第八子母郭貴妃永樂二十二年封雲南未
之藩宣德元年卒諡曰懷王無後

梁王瞻垧仁宗第九子母郭貴妃永樂二十二年封宣德四
年就藩居郢邸襄王瞻墀自長沙徙襄陽道安陸與瞻垧留
連不忍去灑別瞻垧墀慟曰兄弟不復更相見奈何左右皆泣

下正統元年言府卑濕乞更爽塏地帝詔郢中歲歉俟有秋
理之竟不果亡何薨正統六年也謚曰莊王無子封
得郢田宅園湖後皆賜襄王及睿宗封安陸盡得梁
供二王祠祀

衛王瞻誕仁宗第十子與滕梁同母永樂二十二年封懷慶
幼善病宣宗撫愛之未就藩凡郊社陵廟禮命攝祀孝謹好
學以賢聞正統三年薨謚曰恭王妃楊以死殉賜謚貞烈無
子封除

英宗九子長憲宗

德王見濬英宗第二子初名見清母萬宸妃景帝三年封榮
王天順元年三月復東宮同日封德秀崇吉四王歲祿各萬

石見澐收封德王初子德州改濟南成化三年就藩請濟充等州閒田爲莊田憲宗悉予之復請業南旺湖以漕渠故不許請漢庶人牧馬草場知府趙璜言地歸民間供租賦已久不宜驟奪帝從之正德初詔王府莊田畝徵銀三分歲爲常見澐奏初年兗州莊田歲畝二十升獨清河一縣成化中用少卿宋旻議歲畝五升若如新詔臣將無以自給戶部執奏山東水旱相仍百姓凋敝宜如詔減徵僉帝曰王何患貧其勿許正德十一年薨諡曰莊王子祐榕嗣時租賦雖漸減而奸民投占日益廣嘉靖十二年詔邊撫邵錫清理錫察草場嚴與祐榕相訐奏錫持之甚急備衛司軍額千七百人逃絕者以餘丁補錫謂非制徵濟南知府楊撫於領餉時籍請補

充者勿與軍校大譁毀府門詔逮問長史梁穀楊孟法成儀衛副薛舉及軍校陶榮諭王守侯度母徇羣小滋多事是役也錫故激致其罪不盡祐榕過云嘉靖十八年薨諡曰懿王長子東平王厚燉先卒厚燉子載澄嗣追諡厚燉懷王萬曆二年薨諡曰恭王子翊鎔嗣十六年薨諡曰定王子常濬嗣崇禎五年薨世子由楨未襲卒次子由樞嗣十二年正月大清兵克濟南見執

許王見淳英宗第四子母王惠妃景帝三年封明年薨禮臣請親王喪禮帝言王幼殺其禮諡曰悼王三皇子見滉亦前卒復辟後不復追贈

秀王見溥英宗第五子母高淑妃生於南宮天順元年封成

化六年就藩汝寧長史劉誠獻千秋日鑿錄見澍朝夕誦之
就藩時慮途中擾民令併日行王居隘左右請遷文廟廣之
見澍不聽曰居近學宮時聞絃頌聲顧不美乎論書至西伯
戡黎長史誠王吳氏說曰戡黎者武王也右史趙銳主孔氏
說曰實文王事爭之失色見澍曰經義未有定論不嫌往復
若是非先皇帝簡二先生意也成化八年薨諡曰懷王無子
封除

崇王見澤英宗第六子母仁壽皇后生於南宮天順元年封
成化十年就藩汝寧故秀邸也弘治中皇太后春秋高思一
見王帝馳敕召之禮部尚書倪岳言數年來三王之國道路
供億民力殫竭崇王復來往返勞費兼水溢旱蝗舟車所經

恐有他虞親王入朝雖有故礙自洪宣來朝解其
辟襄王奉詔來朝雖篤敦叙之恩實塞疑讒之隙非故
大學士徐溥亦言允皇帝奉養太后聖孝純篤
崇府諸王未嘗輕召今卽崇王奉詔來朝一呼
心欲別則難免奪戀既去必倍增憂思他日
敢言帝重違太后意不允旣而言官交章之

八年薨諡曰簡王子祐密嗣正德六年薨諡曰靖
嗣嘉靖十六年薨諡曰恭王三王並有賢名而靖
子載境嗣三十六年薨諡曰莊王子翊綱嗣萬曆二十八年
薨諡曰端王世子常澆先卒弟南陽王常津封世子亦先卒
常津子由楨嗣崇禎十五年十一月李自成破汝寧執由楨

去魯爲襄陽伯令諭降州縣之未下者由檜不從殺之於泌陽城弟河陽王由材世子慈輝次子慈煥皆遇害

吉王見浚英宗第七子德王同母弟生於南宮天順元年受封時甫二歲成化十三年就藩長沙刻先聖圖及尚書於嶽麓書院以授學者嘉靖六年薨諡曰簡王以庶子常山王祐秩爲世子不及嗣子厚煊立追諡祐秩悼王請湘潭商稅益邸租不許十八年薨諡曰定王子光化王載均嗣四十年薨諡曰端王子翊鎮嗣隆慶四年薨諡曰莊王無子庶兄龍陽王翊鑾嗣萬曆四十六年薨諡曰宣王子常淳先卒子由棟立追封常淳安王崇禎九年薨子慈燿嗣十六年張獻忠入湖南同惠王就桂王於衡州隨入粵長沙之陷也好黨得此

虹藏穀城王常溫於邸中爲內應云

沂王見治英宗第八子與德吉二王同母成化二年封八年薨封時年九歲未就藩諡曰穆王無後

徽王見沛英宗第九子母章德妃成化三年封十七年就藩鉤州承奉司自置吏左右布政使徐恪革之見沛奏聞憲宗書諭王置吏非制也恪無罪正德元年薨諡曰莊王子興化王祜檣嗣嘉靖四年薨諡曰簡王子安邑王厚燭嗣二十九年薨諡曰恭王子浦城王載瑜嗣初厚燭好琴護斲琴者與知州陳吉交惡劾吉逮詔獄都御史駱昂御史王三聘白吉冤帝怒并逮之昂杖死三聘吉俱成邊議者不直厚燭時陶仲文有寵於世宗厚燭厚結仲文自固仲文具言王忠敬奉道

帝喜封厚。燿太清輔元宣化真人。予金印及載瑜嗣位。益以奉道自媚。於帝南陽人梁高輔。自言少師尹蓬頭。能導引服食。載瑜用其術。取梅子配以含真餅。梅子煉女癸爲之。含真餅者。嬰兒未啼時口中血也。久之。命高輔因仲文以藥進之。帝帝封高輔通妙散人。封載瑜清微翊教輔化忠孝真人。復予金印。載瑜以帝親已。大肆於藩。封壞民屋作臺榭苑囿。擬宸居。與校尉楊懋德微服之。揚州得四女歸府中。入諫者。一箠死。高輔被上寵。與仲文埒。不復親載瑜。載瑜銜之。已而帝取藥不得。求載瑜舊所蓄者。載瑜不與。而與仲文。高輔一恨。乘間言載瑜私往南中。與他。失帝疑之。奪所賜真人印。仲文知覺已成。不敢復言。會民耿安喬希禮。奏載瑜掠子。

占田宅諸不法事守臣故衙厚燭事獄遂成降爲庶人錮高
牆時載瑜居宮中所司防守嚴獄詞不得聞及帝遣司禮少
監同撫按至始大懼登樓望龍亭後有紅板輿歎曰吾不能
自明徒生奚爲遂自縊妃沈氏次妃林氏等爭取帛自縊前
後死者五十餘人子安陽王翊錡萬善王翊鈞革爵及未封
子女皆遷開封聽周王約束徽藩除

明史藁

列傳第五終

史彙

列傳第六

光祿大夫

經筵講官明史總裁戶部尚書加七級

臣王鴻緒奉

敕編撰

諸王四

懷獻太子見濟

悼恭太子祐極

興獻皇帝祐杙

岐惠王祐楡

益端王祐楨

衡恭王祐楫

雍靖王祐檣

壽定王祐楫

汝安王祐楫

涇簡王祐楫

榮莊王祐樞

申懿王祐楫

蔚王厚燁

哀冲太子載灃

莊敬太子載戲

景恭王載圳

穎蕩王載墜

成懷王載墜

薊哀王載墜

宣懷王載颯

憲懷太子翊鈇

宣懷太子翊鈇

潞簡王翊鏐

宣懷太子翊鏐

福恭王常洵

沅懷王常洽

瑞王常浩

惠王常潤

桂恭王常瀛

簡懷王由櫟

齊思王由楫

懷惠王由模

湘懷王由栩

惠昭王由櫓

懷冲太子慈然

悼懷太子慈煇

獻懷太子慈炁

太子慈烜

懷隱王慈烜

定王慈烜

永王慈炤

悼靈王慈煥

三王傳

附下卷

景皇帝一子

懷獻太子見濟母杭妃始爲郟王世子英宗北狩皇太后命立憲宗爲皇太子而以郟王監國及郟王卽位改元景泰心欲以見濟代太子而難於發言皇后汪氏又力以爲不可遲回久之太監王誠舒良爲帝謀先賜諸大臣大學士陳循高穀百金侍郎江淵王一寧蕭鐸舉士商輅半之用以緘其口然亦未發也思明土目黃瑛者初以功授丘溫衛指揮歷遷

廣西都指揮使守備潯州思明土知府瑯其庶兄也瑯老子
鈞襲官非玆意陰令其子率悍卒結寨府城外三十里夜馳
破府城滅瑯家支解瑯父子納壘中瘞之後圍卽引衆還寨
明日報至佯不知驚哭仆地走思明發喪方玆子殺瑯時瑯
僕福童見玆子并識其左右人脫走憲司訴玆父子殺瑯父
子狀副總兵武毅疏聞於朝玆窺景帝有易儲意遣千戶袁
洪走京師上疏請廢太子代以見濟疏曰太祖百戰艱難取
天下期傳之萬世往年上皇輕身禦寇文武將吏十喪八九
駕陷北庭寇至都門幾喪社稷不有皇上臣民何歸今且踰
二年皇儲未建臣惟人心易搖多言難定爭奪一萌禍亂不
息皇上卽循遜讓之美復全天敘之倫恐事機叵測反覆靡

常語曰天與不取反受其咎近日仰觀天象土星逆行入太微垣與諸災變皆可畏愕願早留意萬一羽翼長養勢權轉移委愛子於他人寄空名於大寶階除之下變爲寇讎肘腋之間自相殘蹙此時悔之晚矣乞與親信文武大臣密定大計以一中外之心絕覬覦之望疏入景帝大喜曰萬里外有此忠臣亟下廷臣會議且令釋玃罪趙擢都督時景泰三年四月也疏入之明日禮部尚書胡濙侍郎陳璘等集文武羣臣廷議衆相顧莫敢發言惟都給事中李侃林聰御史朱英以爲不可吏部尚書王直亦有難色司禮太監真安厲聲曰此事不可已卽以爲不可者勿署名無得言鳳持兩端羣臣皆唯唯署議於是濙等暨魏國公徐承宗寧陽侯陳懋安

遠侯柳溥武清侯石亨成安侯郭晟定西侯蔣琬駙馬都尉
薛桓襄城伯李瑾武進伯朱瑛平鄉伯陳輔安鄉伯張寧都
督孫鏗張軌楊俊都督同知田禮范廣過興衛頴都督僉事
張輓劉深張通郭瑛劉鑑張義鏞衣衛指揮同知畢旺曹敬
指揮僉事林福吏部尚書王直戶部尚書文淵閣大學士陳
循工部尚書東閣大學士高穀吏部尚書何文淵戶部尚書
金濂兵部尚書于謙刑部尚書俞士悅左都御史王文王翺
楊善吏部左侍郎兼學士江淵右侍郎兼學士蕭鏊禮部右侍郎
侍郎劉中敷右侍郎沈翼右侍郎兼學士蕭鏊禮部右侍郎
兼學士王一寧兵部右侍郎李賢刑部左侍郎周瑄工部左
侍郎趙榮右侍郎張敏通政使李錫通政欒懌王復叅議馮

貫卿蕭維禎許彬蔣守約齊整李賓少卿張固習嘉言李宗
周蔚能陳誠黃仕儻張翔齊政寺丞李茂李希安柴望鄺鏞
楊詢王溢翰林院學士商輅六科都給事中李讚李侃李春
蘇霖林聰張文質十三道御史王震朱英論謙丁泰亨強弘
劉瑛陸厚原傑嚴樞沈義楊宜王驥左鼎上言父有天下必
傳於子陛下膺天明命中興邦豈統緒之傳宜歸聖子黃玠
奏是制曰可禮部具儀擇日以開即日簡置東宮官懋亨燦
直兼太子太師溥循毅謙太子太師文淵濂士悅南京禮
部尚書兼大理寺卿都御史周際鑠太子
太保淵一寧鎡太子少師山太子少師兵部左侍郎俞綱太
子少保輅擢兵部左侍郎兼左春坊左學士中散太子賓客

嘉言詹事文曜禮部侍郎薩琦少詹事禮部侍郎鄒幹左庶子侍讀彭時侍講劉儼左右春坊大學士周旋左庶子趙恢右庶子修撰林文侍講徐理左右諭德修撰李紹侍講劉定之司經局洗馬侍講楊鼎倪謙呂原修撰柯潛左右中允給事中侃御史魏齡詹事府府丞編修周洪謨劉俊檢討錢溥編修岳正左右贊善編修萬安李泰都給事中林聰典籍鄒循左右司直郎侍書陳穀徐佖監丞鮑相縣丞高誠左右清紀郎檢討曾暹傅宗五經博士陸藝典籍李鑑左右司諫編修王俱教諭李瓊校書待詔趙政府主簿中書舍人劉鉞趙昂正字教諭劉潔錄事序班楊欽王政周寧傅宗通事舍人凡東宮公孤皆支二俸五月廢汪后立見濟母杭妃爲皇后

更封太子爲沂王立見濟爲太子詔曰天佑下民

遺安於四海父有天下傳之子斯本固於萬年大赦

百官望朝太子賞諸親王公主邊鎮文武內外羣臣

賞陳循高穀江淵王一寧蕭鎡商輅各黃金五十兩六月

后兄杭聚爲錦衣正千戶四年二月乙未太子冠命胡濙

節掌冠高穀贊冠蕭鎡宣戒敕甲辰冠沂王及其弟榮王

陳循于謙持節掌冠何文淵儀銘贊冠商輅宣戒敕十一日

以御史張鵬言簡東宮師傅講讀官帝命胡濙王直陳循

穀王文儀銘江淵蕭鎡俞山俞綱商輅日更番侍班彭時

專講書李侃李齡錢溥劉吉日專讀書王謙趙昂更日侍

越四日太子薨諡曰懷獻葬西山天順元年降稱懷獻世

諸建議易儲者皆得罪黃玠已前死捕其子誅之

憲宗十四子第二子孝宗

悼恭太子祐極憲宗長子母柏賢妃成化七年立爲皇太子

是年冬彗星見東方未幾太子薨

興獻皇帝祐杭憲宗第四子母邵貴妃進稱壽安皇太后成

化二十三年封興王弘治四年建邸德安已改安陸七年之

藩舟次龍江有慈烏數萬繞舟至黃州復然人以爲瑞謝疏

陳五事孝宗嘉之賜予異諸藩祐杭嗜詩書絕珍玩不畜女

樂非公宴不設牲醴楚俗尚巫覡而輕醫藥乃遣良方布各

郡設藥餌以濟病者長史張景明獻六益於王賜之金帛曰

吾以此懸宮門矣邸旁有臺曰陽春數與羣臣賓從登臨賦

詩正德十四年堯諡曰獻王堯二年而武宗崩名世子入嗣是爲世宗禮臣毛澄等援漢定陶宋濂王故事考孝宗改稱祐杭爲皇叔父興獻大王王妃蔣爲皇叔母帝命集議未決進士張璁上書請帝興獻王帝大悅會王妃至自安陸止通州不入帝恚甚啟張太后欲避天子位奉王妃歸藩羣臣惶惴太后命進王爲興獻帝妃爲興國后璁更爲大禮或問以進而主事董縉桂萼給事中熊浹議與璁合帝益心動諭輔臣楊廷和韓冕毛紀帝后加稱皇廷和等不奉詔合廷臣爭之未決嘉靖元年禁中火廷和及給事中鄧繼會朱鳴陽五行五事爲廢禮之證乃輟稱皇議加稱本生父興獻安業祠嘗視祖陵用太常卿汪舉諫祭用十二簋豆樂用

帝心終不嫌聰益引擢御史席書吏部郎方巖夫及黃谷

黃宗明疏爲助三年三月加稱帝爲本生皇者恭穆獻皇帝

興國太后爲本生母章聖皇太后建廟於奉先殿側以席

爲禮部尚書專其事建室奉天殿西曰觀德殿祭如太廟

聰等獻夫爲翰林學士修撰呂柟鄒守益少卿胡侍御史

續陳相皆以劾書等得罪聰益言孝宗稱獻皇帝本生

之妄七月諭去獻皇帝本生號九月詔伯孝宗兄武宗

皇帝曰皇考聰等驟貴干進險譎者爭以言禮希上

戶隨金錄事錢子勳言獻皇帝宜遷葬天壽山帝謂不宜

王氣乃止尊陵名曰顯慶黃昇監衛如七陵元祿署丞何

請立世室太廟七年命聰等集明倫大典

王廷相

加上尊諡恭睿淵仁寬穆純聖獻皇帝親製顯陵碑封松
山爲純德山從祀方澤次五嶺以安陸州爲承天府十七年
四月遙州同知豐坊請加尊皇考廟號稱宗以配上帝是月
加上尊諡知天守道洪德淵仁寬穆純聖恭儉敬文獻皇帝
廟號睿宗附太廟其年十二月太后崩上尊諡曰慈孝貞順
仁敬誠一安天誕聖獻皇后初楊廷和等議以益王次子崇
仁王厚炫爲興王奉獻王祀帝奉允封除初獻帝有長子厚
熙生五日而卒嘉靖四年贈岳王諡懷

岐惠王祐楡憲宗第五子母邵皇太后成化二十三年與益王
衡王雍王同日封弘治八年之藩安十四年薨無子封除
益端王祐楨憲宗第六子母張德妃弘治八年之藩建昌故

荆郢也性儉約巾服盥至再日一素食無兼膳好書史愛民
重士無所侵擾嘉靖十五年奸人班明誣冒國公張鶴齡通
王有異謀久之得白十八年薨于莊王厚熹嗣性朴素外物
無所嗜宦寺女御亦令讀書三十五年薨弟恭王厚炫嗣自
奉益儉辭祿二千石萬曆五年薨子載增先卒載增子宣王
翊劄嗣嗜文結客厚炫所積府藏悉斥以招賓從通聘問於
諸藩不數年而金錢頓盡三十一年薨子敬王常漣嗣四十
三年薨子由本嗣國亡竄閩中

衡恭王祐輝憲宗第七子母張德妃成化二十三年封弘治
十三年之藩青州嘉靖十七年薨子莊王厚熹嗣嘗辭祿五
千石以贍宗室宗人德之隆慶六年薨子康王載堉嗣萬曆

七年薨弟安王載封制十四年薨子定王朝復嗣二十年薨
子常漚嗣

新樂王載璽祐禪孫也博雅善文辭嘉靖中著丁巳同封錄
一卷索諸藩所纂述得數十種梓而傳之曰綺合繡揚集又
撰洪武聖政頌皇明政要樓居田居蘆夢翫神覽諸集多可
傳者祐禪子高唐王厚煥齊東王厚炳皆以博學篤行聞嘉
靖中賜敕獎諭者再

雍靖王祐樸憲宗第八子母邵皇后初封保寧弘治十二年
之藩衡州地卑濕宮殿朽敗不可居邸中數有異乞移山東
東平州廷臣以擇地別建勞民費帑四川叙州有申王故府
宜徙居之詔可旣而以道遠不可徙正德二年地裂壞王薨

無子封除

壽定王祐楛憲宗第九子母姚安妃弘治四年封保寧正德元年以岐王世絕改就岐邸之藩德安校尉橫樓市民知府李重抑之奏逮重安陸民劉鵬隨重請大理對簿重未之識也訝之鵬曰使君仁爲民受過民皆得效死豈待識乎重卒得白祐楛聞而悔之後以賢聞嘉靖二十四年薨無子封除王有弟十皇子未名而卒無封號

汝安王祐樽憲宗第十二子母張德妃封衛輝弘治十四年之藩正德十五年請預支食鹽十年爲婚費詔別給長蘆鹽二千引食鹽如故世宗南巡遊於逸甚恭加祿五百石錫金幣嘉靖三十年薨無子封除

涇簡王祐樞憲宗第十二子母楊恭妃弘治四年封十五年
之藩沂州嘉靖十六年薨子厚焮未封而卒無子封除

榮莊王祐樞憲宗第十三子母潘端妃弘治四年封正德勅
尚留京邸乞霸州信安鎮莊田設牧地也部臣言永樂中設
立草場蕃育馬匹以資武備至成化中近侍始陳乞爲莊後
岐壽二府相沿莫之改正暨孝宗皇帝留神戎務清理還屯
不以私恩廢公議也今榮王就國有期所請宜勿與三年之
藩常德祐樞狀貌類高帝居藩稍縱世宗詔以沅江百港
天心團坪河泊稅入王邸嘉靖十一年薨世子厚焮先卒子
恭王載堉嗣贈厚焮懷王萬曆二十三年薨子翊鈐嗣四十
年薨子常遠嗣

年薨子常遠嗣

年薨子由楊嗣

年

薨子慈炤嗣張獻忠入湖南王奉太妃姚走辰溪

申懿王祐楷憲宗第十四子涇王同母弟弘治四年封叙州未之藩薨無子封除

孝宗二子長武宗

蔚王厚燁母張皇后三歲薨追冊諡悼

世宗八子第三子穆宗

哀冲太子載基世宗第一子母閻貴妃生二月而薨

莊敬太子載戲世宗第二子母王貴妃嘉靖十八年帝將南巡立爲皇太子年甫四歲命監國以大學士夏言爲傳尚書霍韜郎中鄒守益獻東宮聖學圖冊疑爲謗訕幾獲罪帝旣得方士段朝用思習修攝術諭禮部具皇太子監國儀太漢

卿楊最爭之遺繫瘦死監國之議亦罷督善羅洪先趙時
唐順之請太子出閣講學文華殿見羣臣皆削籍太廟成命
太子攝祀二十八年行冠禮是日風壞泰折坊越二日薨泰
與太同未婚而死曰折殆其應云帝命與哀冲太子並建寢
園歲時祭禮從諸陵後

景恭王載圳世宗第四子十八年冊立太子封穆宗裕王載
圳景王其後太子薨廷臣言裕王次當立帝以前兩太子皆
不承遲之晚信方士語二王皆不得見帝載圳既與裕王並
出邸居處衣服無別載圳年少無慮與左右相窺覲語漸聞
三十八年下旨有建帝立儲語中允郭希顏失職家居
發憤上書用其語入疏中時帝素惡立儲者且已忘

前論遂大怒坐希顏媿書律斬四十年令其子素謀每嫡今死矣初載坳之
四年薨帝謂輔臣徐階曰此子素謀每嫡今死矣初載坳之
藩多請莊田部臣以帝意不測恣議給之荊州沙市故不在
請中申使責市租知府徐學謨執不與又取薪稅於漢陽之
劉家塌推官吳宗周持之皆獲譴其他田土湖陂侵入者數
萬頃王無子妃妾等還京師封除

顯殤王載壘世宗第五子母江肅妃生未踰月薨

戚懷王載壘世宗第六子母趙懿妃

鮪哀王載壘世宗第七子母陳雍妃

均思王載城世宗第八子母趙榮妃三王俱未踰歲薨

穆宗四子第三子神宗

憲懷太子翊鈇穆宗長子母慈聖太后生五歲薨贈裕世子
隆慶元年追諡

靖悼王翊鈇穆宗第二子母仁聖皇太后生未踰年薨

潞簡王翊鏐穆宗第四子神宗母弟隆慶二年生生四歲而

封萬曆六年之藩衛輝翊鏐以帝愛弟居邸久冠婚之費視

帝加盈時海內殷富左右以封殖導王王肆王莊徧畿內比

之藩還縣官遂以內臣司之皇店皇莊之名自此益侈翊鏐

居藩多所求請無不應者請贖田則以景邸原田予之多至

四萬頃請食鹽則先予淮繼予長蘆已乃予河東歲爲常其

後福藩遂緣爲故事明初魏王祿奉外稍給草場牧地間以

廢壤河灘請者多不及千頃部臣得執奏不盡從也景王載

圳就藩時賜予槃裁省楚地曠多閒田詔悉予之景藩除潞
得景故籍部臣無以難也至福邸時版籍更定民力益絀尺
寸皆奪之民間海內騷然論者始頗以翊鏐爲口實
云翊鏐好文性謹飭恒以歲入輸之朝助王助邊盡捐祿無
所惜帝益善之四十二年皇太后哀問至翊鏐悲慟廢寢食
未幾薨世子常滂幼王妃李太后理藩事時福藩奏請輒取
中旨帝於王妃奏亦從中下示無異同部臣言王妃奏陳四
事如軍校月糧之當給發義和店之預防侵奪義所當許許
之至歲祿之欲先給王莊之欲更設義所不當許則勿許且
於王無絲毫益徒令邸中人日魚肉小民飽私囊將來本支
千億請索日頻盡天府之版章給王邸而不足也疏入不

四十六年常泐嗣王崇禎中賊蹂秦晉及河北常泐疏告急
言衛輝城岬土惡選護衛三百人助守捐歲入萬金資餉不
煩司農朝廷嘉之盜發王妃塚常泐上言賊延蔓漸及江北
鳳泗陵寢可虞宜早行摘雖無輕視賊時諸藩中能急國難
者惟周潞二王云後賊踰中州常泐流寓杭州

順治二年六月降於我

大清

神宗七子長光宗

邠哀王常潑神宗第二子母無名號生一歲薨

福恭王常洵神宗第三子母鄭貴妃最幸初王皇后無子王
妃子光宗最長常洵次之貴妃謀廢嫡帝爲不立太子十餘

年間廷臣坐爭國本竄謫者相踵其後帝上畏太后下迫廷臣言二十九年始冊立東宮而封常洵爲福王婚費三十萬營洛陽邸第二十八萬十倍常制廷臣請王之藩者數十百奏置弗省至四十二年始令常洵就封洛陽當是時海內全盛帝所遣稅使礦使數十人月有奉日有進明珠異寶文毳錦綺山積他搜括贏羨億萬計貴妃斥十之九以資常洵之藩時出宮門名還數四期以三歲一入朝下詔賜莊田四萬頃所司爭之力得減半中州腴土不足取山東湖廣田益之又奏乞故大學士張居正所沒產及江都至太平沿江荻洲雜稅并四川鹽井權茶銀以自益伴讀承奉諸官假履畝爲名乘傳出入河南北齊楚間所至騷動又請准鹽千三百引

設店洛陽與民市中使至淮揚支鹽乾沒要求輒數倍而中
州舊食河東鹽以改食淮鹽故禁非王肆所出不得鬻晉引
遏不行九邊軍餉由此絀廷臣請改給王鹽於河東且無與
民市帝卒弗聽帝深居久羣臣章奏率寢遏獨福藩信使通
籍中左門一日數請朝上夕報可四方奸人亡命探風旨走
利如鷺閔不畏死張差龐保劉成之變緣是而生及崇禎時
常洵屬尊地近帝尊禮之而常洵日閉閣飲醇酒所好惟婦
女倡樂秦中流賊起河南大旱蝗人相食民間藉藉謂先帝
耗天下以肥王洛陽富於大肉獲兵迺洛者喧言王府金錢
百萬而令吾輩枵腹死賊手南京兵部尚書呂維祺在城中
聞之懼以利害告常洵常洵不爲慮十三年李自成陷永寧

宣陽十四年正月壬寅朔參政王胤昌率望居士大夫警備
總兵王紹禹副將劉見義羅泰各引兵至洛常洵召三將入
賜宴加禮戊午紹禹兵入城庚申賊大至攻城常洵出千金
募士縋而出用矛入賊營賊稍却辛酉夜半紹禹親軍從城
上呼賊相笑諾揮刀殺守堞者燒城樓開北門納賊常洵縋
城出匿迎恩寺翌日賊跡而執之遂遇害兩承奉伏常洵尸
哭賊梓之去承奉呼曰王死某不願生乞一棺收王骨蓋紛
無所恨賊義而許之桐棺一寸載以斷車兩人卽其旁自縊
王妃鄒氏及世子由崧脫走河北賊火王宮三日不絕事聞
帝震悼輟朝三日令河南有司改殯具弔襚十六年由崧襲
封 望地鳳陽總督馬士英

僭號弘光遂上常

海國曰貞純誌擇聖敬仁懿恭皇帝事別載

沅懷玉常治神宗第四子母鄭貴妃生一歲薨

瑞王常浩神宗第五子母周端妃初東宮未立有三王並封之旨常浩以年相亞至與常洵並稱匹嫡然隆重非常洵比也二十九年既立太子封常浩爲瑞王與福惠桂三王同日出閣恩禮維均及常洵以母心之藩帝慮傷鄭貴妃心忽忽不樂於諸子誼寢薄常浩領二十有五矣就婚命不下羣臣交章爭率浸遏日索部帑爲婚費贏十八萬藏宮中久之且言冠服不能備或謂仍以充禱邸日給云天啓七年之藩漢中崇禎時流寇劇封地控梁益道褒斜當賊衝七年上書言臣賴先帝遺體獲奉西藩末期年而寇至比西賊再渡河關

入漢興破洵陽逼興安陽平利白河相繼陷及督臣洪承疇單騎裹用出入萬山賊始敗遁臣捐犒軍費銀七千餘兩此時撫臣練國事移兵商洛按臣范復孫漢中近境蒲寧旣而鳳縣再陷蜀賊入秦州楚賊上黃安六月遂犯郡界幸諸將憑江力拒賊方東鈔澤北據鳳西擾沔縣寧羌南鄭孤城在萬山絕谷中賊四面至覆亾無日臣於肺腑至親近也于藩封最僻陋也于寇盜至危迫也惟陛下哀憐常浩在宮中衣服禮秩降等好佛不近女色及寇逼秦中將吏不能救乞師於蜀蜀帥侯良柱救之遂奔重慶隴西士大夫多挈家以從十七年六月張獻忠陷重慶常浩爲所執遇害時

天無雲而雷者三從死者甚衆

惠王常潤神宗第六子母李貴妃萬曆二十九年封福邸之藩內庭蓄積爲空中官計索部帑以實宮中藉諸王冠婚爲辭所需輒數十萬珠寶稱是戶部不能給常潤與弟常瀛年二十未選婚其後兵事亟始減殺成禮天啟七年之藩荊州崇禎十五年十二月李自成再破彝陵荆門湖南巡撫陳睿謨至荊州奉常潤走湘潭自成入荊州據之常潤之渡湘也舟遇風於陵陽磯宮人多漂沒身僅以免就吉王於長沙十六年八月張獻忠陷長沙常潤走衡州就桂邸衡州繼陷同吉王桂王走永州巡按劉熙祚遣人護三王入廣西以身當賊守永州城陷熙祚死之

桂王常瀛神宗第七子母李貴妃萬曆二十九年封天啟

七年之難衡州張獻忠之陷衡也常瀛出走賊移桂邸殿材
至長沙爲僞殿常瀛同害惠二王入廣西居梧州南都告覆
大臣陳子壯等以王神宗子宜立會唐王立於福建乃止常
瀛流離播遷憂悸致疾薨世子巳先卒次安仁王廿稜嗣未
幾卒次永明王由榔時唐王巳亡諸臣擁立之僭號永曆事
別載

光宗七子長熹宗第五子莊烈帝

簡懷王由榑光宗第二子與熹宗同母生四歲薨

齊思王由繡光宗第三子母王選侍生八歲薨

懷惠王由模光宗第四子母李選侍生五歲薨

湘懷王由榔光宗第六子母定懿妃薨

昭王由樞光宗第七子母敬妃殤

宗三子

懷冲太子慈然

懷懷太子慈灼

獻懷太子慈炁

莊烈帝五子

太子慈煥莊烈帝第一子母皇后崇禎二年二月生帝頒
詔肆赦九月立爲皇太子十歲羣臣屢請出閣帝定期來歲
二月預擇東宮侍班講讀等官禮部尚書姜逢元詹事姚
明恭少詹王鐸屠可律侍班詹事傅郎方逢年諭德項煜修
撰劉理順編修吳偉業楊廷麟傅志講讀編修胡守恒楊

士應機書十一年二月皇太子出閣十五年正月東宮開講
內閣諸臣條上禮儀六年六月帝因枚卜閣臣疑吏部尚書
李日宜有私御中左門者對請大臣帝衣青袍皇太子定王
承王皆衣紅侍案前良久乃退七月改慈慶宮爲皇太子端
本宮居於慈安皇后所居也時太子年十四議明歲選婚故
先爲置宮而移懿安后於仁壽殿十六年七月帝御中左門
親臨吳昌時太子及定王復侍側良久李白成破京師後太
子不知所終嗣王時有自北來稱太子者朝臣皆以爲王之
明者僞爲之對請獄中南都士民譁然不平黨繼成及劉良
佐黃得功輩皆上疏爭左良玉至以救太子爲名起兵犯闕
一時真僞莫能明也南都亡後論者始決其爲僞

懷隱王慈烜莊烈帝第二子死

定王慈炯莊烈帝第三子太子母弟生帝御門受賀崇禎十四年六月諭禮臣朕第三子年已十齡敬遵祖制宜加王號但既受冊封必具冕弁翼善冠服而會典開載年十二或十五始行冠禮十齡受封加冠二禮可並行乎於是禮臣歷考經傳及本朝典故以奏定於是歲冊封越二年行冠禮至九月封爲定王十一月命選新進士爲檢討國子助教等官爲待詔充王講讀官以兩殿中書充侍書十七年國變不知所終

承王慈煊莊烈帝第四子母弟貴妃崇禎十五年三月冊封爲承王十七年國變不知所終

悼靈王慈煥莊烈帝第五子母田貴妃生五歲病亟帝視之
忽云九蓮菩薩言帝待外戚薄將盡殤諸子遂薨九蓮菩薩
者神宗母孝定李太后也太后好佛宮中像作九蓮座云帝
念王靈異封爲元機慈應真君命禮臣議孝和皇太后莊妃
懿妃道號禮科給事中李焜言諸后妃祀奉先殿不可崇邪
教以亂徽稱不聽十六年十二月改封宣顯慈應悼靈王去
真君號

光祿大夫

經筵

官明史總裁戶部尚書

級臣王鴻緒奉

敕編撰

史臣曰甲申三

乃莊烈帝旣殉社稷明阼已終

世祖章皇帝踐天子位

江左明臣自宜納土歸誠乃擅擁立福

王順治二年滅

亡唐王自立於福州順治三年滅之永

明王自立於肇

慶播遷喪敗不成其爲君順治十八年

滅之世所謂三

土也見於

國史及他書爰附三王傳

於後

福王由松神宗第三子福恭王之子也初封德昌王進封

世子崇禎十四年春正月李自成陷河南府恭王遇害世子
出走懷慶十六年秋七月嗣封福王莊烈帝手擇宮中寶玉
帶賜之明年甲申春三月京師失守夏四月己巳凶問至南
京時參贊機務兵部尚書史可法督師勤王在浦口諸大臣
議立君而王與潞王常泂以避賊俱至淮安兵部右侍郎呂
大器詹事姜曰廣等意王潞王以福王立恐修釁三案也移
牒可法可法遂還南京而鳳陽總督馬士英與靖南伯黃得
功總兵官劉澤清劉良佐高傑等推戴福王士英遺書南京
大臣言王神宗孫序當守甲申守備南京魏國公徐弘基提
督操江誠意伯劉孔昭等戶部尚書高弘圖工部尚書程註
都察院右都御史張愷言翰林院事詹事府詹事姜曰廣

守備掌司禮監秘太監等集議於朝大器
禮兵一部印不寫筆吏糾給李沾厲聲言今日有異
議者死之時士英握兵於外與將連營駐江北勢甚張可
法乃以福王告廟乙酉迎王於江浦丁亥百官迎見於龍江
關王素服角帶哭是月

大清兵大破闖賊於北五月戊子王謁孝陵入拜奉先殿
出居內守備府己丑羣臣勸進王不允止允監國庚寅福王
監國於南京發大行皇帝喪告諭天下肆赦以張愼言為吏
部尚書壬辰史可法為東閣大學士兼兵部尚書高弘圖為
東閣大學士兼禮部尚書並入閣辦事馬士炎為東閣大學
士兼兵部尚書都察院右都御史仍總督鳳陽等處軍務命

兵部郎中萬元吉在陣得功等軍癸巳爲大行皇帝舉喪哭臨甲午姜曰廣爲東閣學士兼禮部尚書前禮部尚書王鐸爲東閣大學士並開辦事曰廣辭改禮部左侍郎入直起劉宗周爲都察院左都御史乙未御史祁彪佳宣諭江南並江督袁繼咸入援設防江水師復操江總督文臣協理楚撫何騰蛟奏恢復隨州丙申士英以麾下兵南來合疏勸進戊戌罷南京守備參劾各銜依北都舊制設京營等官罷錦衣衛南北兩鎮撫官命瑞王居重慶己亥御史陳丹衷宣諭江北六學士史可法自請督師江北詔以便宜行事各鎮並聽節制庚子兵部尚書張國維以原官回部協理京營戎政原任刑部尚書徐石畦爲都察院右都御史以總兵官鄭鴻

送鎮九江黃蜚鎮京口辛丑兵部正卿起兵東昌
闖賊陷雞澤敗淵死之王寅監獄立於南京大赦稱僞號
弘光太監韓贊周管司禮監事盧允德爲司禮監秉筆提督
京營癸卯馬士英入閣佐理仍掌兵部尚書事顧錫疇爲禮
部尚書分應天蘇松爲二撫左懋第爲都察院右僉都御史
巡撫應天安徽等處甲辰命忻城伯趙之龍總督京營戎政
分淮揚鳳廬爲四鎮以黃得功劉良佐劉澤清高傑領之命
戶部速輓漕粟以濟軍糈淮撫路振飛罷去田仰爲都察院
右僉都御史巡撫淮揚提督軍務兼理海防黃得功爲靖
南侯李良玉爲寧南侯各廢子錦衣衛正人高傑興平伯
劉澤清東平伯劉良佐廣昌伯馬士英加太子太師廢一子

錦衣衛指揮使事乙巳郝彪佳爲都察院右僉都御史巡撫
蘇松提督軍務祭告先福王大妃於行宮可法陞辭出京督
師給銀二十萬兩請以總兵劉肇基子永綬李栖鳳卜從善
金聲桓等隨征從之遣徐弘基祭孝陵告卽位諭參將王之
綱等迎母妃於河南郭家寨李自成遣僞制將軍董學禮等
至宿遷丁未張桓言疏薦舊輔吳姓原任吏部尚書鄭三俊
命陞陛見詔封疆失事各官不許起用巳酉萬无吉太僕寺
少卿監理江北軍務總督漕運路振飛擊敗董學禮兵獲其
僞防禦使武愆命潞王暫居杭州庚戌劉孔昭訂奏薦吳姓
誤國且定策時有二心王兩解之詔史可法遣官訪大行皇
帝梓宮并太子二王王子晉徐弘基湯國祚柳祚昌劉孔昭

方一元焦夢能等皆在三殿守司禮監太監韓贊周盧九篋
各弟姪一人錦衣衛指揮僉事徐弘基疏薦原任兵部尚書
熊明遇等報聞詔恤北都殉難諸臣癸丑復膾劉澤清子錦
衣衛千戶甲寅命史可法祭泗鳳陵左良玉祭顯陵

大清兵取河北山東乙卯封吳三桂爲薊國公起陳子壯爲
禮部尚書掌詹事府事命江淮賑恤南歸難民太常少卿李
沾劾吏部左侍郎呂大器定策時懷二心命不必深求丙辰
命議河督黃希憲齊撫丘祖德晉撫郭景昌私逃之罪六月
丁巳大學士高弘圖自請江干督漕許之命補記注侍班官
戊午上大行皇帝尊諡曰紹天繹道剛明恪儉揆文奮武敦
仁懋孝烈皇帝廟號思宗疎行皇后曰孝節貞肅淵恭莊毅

奉天靖聖烈皇后追尊皇祖妣貴妃鄭氏曰孝寧溫穆莊惠
慈懿憲天裕聖太皇太后追尊皇考福恭王曰貞純肅哲聖
敬仁懿恭皇帝生母某氏曰孝誠端惠慈順貞穆皇太后遙
上皇嫡母鄒氏尊號曰恪貞仁壽皇太后追諡先妃黃氏曰
孝哲懿莊溫貞仁壽皇后繼妃李氏曰孝義端仁肅明貞潔
皇后庚申頒河北山東詔壬戌召阮大鍼冠帶來京陛見戶
科左給事中羅萬象御史王孫蕃陳良弼大理寺丞詹兆恒
應天府丞郭維經懷遠侯常延齡等交章言大鍼不宜名弘
圖請九卿議與士英忤曰廣以中旨用人爭之不得各疏求
去不許呂大器劾士英賣官鬻爵罪不聽劉良佐率兵攻臨
淮不克移駐壽州勘議原任總督王永吉兵部主事何剛練

水師議殉難從違諸臣功罪乙丑命惠王移居肇慶吉王薨
丙寅起錢謙益爲禮部尚書協理詹事府事吏部尚書張慎
言罷禮部請立中宮詔以列聖先帝之讎未報不許命萬元
吉再行揚州六合調輯軍民己巳以吳志葵鎮守吳淞劉澤
清來朝疏糾呂大器雷縯祚薦張捷鄒之麟張孫振劉光斗
等未幾大器罷癸酉詹兆恒進欽定逆案乙亥追復懿文皇
太子廟號興宗孝康皇帝妃常氏諡孝康皇后追崇建文帝
諡曰嗣天章道誠懿淵恭親文揚武克純篤孝讓皇帝廟號
惠宗后馬氏曰孝愍溫貞靜睿肅烈襄天弼聖讓皇后追崇
恭仁康定景皇帝諡曰符派建道恭仁康定隆文布武顯德
崇孝景皇帝廟號代宗貞惠安和景皇后汪氏曰孝淵肅懿

貞惠安和輔天恭聖景皇后丁丑左懋第疏請北行流賊張獻忠陷重慶王竝原柱巡撫陳士奇等皆遇害贈死難沐陽知縣劉士煥山東僉事御史黃澍入賀面糾馬士英罪可斬司禮監太監柯志孔勛對言王怒士英爲志孔請得不罪戊寅封福府千戶常應俊爲襄衛伯世襲己卯趙之龍糾高弘圖議思宗廟號之失請改正詔仍舊辛巳詔迎母妃鄒氏王變爲都察院右僉都御史巡撫山東壬午顧錫疇請追諡文震孟等而奪溫體仁諡竝從之甲申以丘喬爲山東總兵官贈死事原任吏部員外郎程良壽光祿寺少卿舉人劉申錫知州生員楊之金教授祠名義烈以黃斌卿防禦京口調鄭芝龍兵六千入衛乙酉命魯王暫駐處州崇王暫駐台州

秋七月丙戌祀高皇帝以下於奉先殿以五行皇帝
祭加張愼言程註太子太保予廕庚寅以左懋第爲兵部
侍郎兼都察院右僉都御史經理河北聯絡關東軍務馬絡
愉爲太僕寺少卿兼兵部職方司郎中加陳洪範太子太保
齋白金十萬兩金千兩緞絹萬匹出使於

大清金聲桓駐防揚州壬辰定守護鳳陵戍兵五千人劉之
勃爲都察院右僉都御史巡撫四川甲午從逆諸臣以六等
定罪丁酉依舊編爲五軍神樞神機三大營杜弘域等六人
分統之戊戌馬士英乞休不允癸卯淮揚巡撫王變以皇太
子及二王皆遇害聞甲辰廕福府內臣屈尚忠田成張執中
等弟姪各都督鳳知世襲錦衣衛指揮使顧錫嘯糾從逆詞

臣周鍾項煜等命察議奪溫體仁官廕已酉張有譽爲戶部尚書高弘圖等爭之不聽辛亥釋高牆罪宗前唐王聿鍵等三百餘人壬子舉經筵高弘圖等請建中宮諭俟母妃回鑾日行乙卯弘圖乞休不允請召還史可法亦不報是月萬元吉奏

大清兵南征八月丁巳親祀先師孔子楊鶴爲兵部右侍郎兼都察院右僉都御史總督川湖雲貴廣西軍務劉澤清等疏劾劉宗周命惠王居廣信馬士英與姜曰廣同詆王前宗貢朱統鑽糾曰廣黨從逆諸人又不肯迎立堅持異議禮科袁彭年特糾統鑽報聞庚申加可法少保兼太子太保武英殿大學士弘圖太子少師文淵閣大學士曰廣太子少保文

淵閣大學士英太子太師武英殿大學士鐸太子少保文淵閣大學士予廕有差壬戌賀世壽爲戶部尚書兼都察院右僉都御史總督倉場復東廠袁彭年疏爭調外起前薊督丁魁楚兵部右侍郎兼都察院右僉都御史總督河南湖廣軍務巡撫承德襄陽等處甲子張獻忠陷成都蜀王及妃夫人以下皆遇害撫臣龍文光劉之勃道臣劉士斗成都知縣吳繼善仁壽知縣顧繩詒華陽知縣沈雲祚皆死之乙丑命優恤殉難湖廣舉人陳萬策李開先等丁卯逮光時亨等辛未太妃至南京逮從逆御史喻上猷等壬申起夔一禱爲兵部右侍郎兼都察院右僉都御史總督川陝軍務起僉事越其杰爲都察院右僉都御史巡撫河南兼轄潁亳三州軍務

乙亥張捷爲吏部左侍郎丙子下項煜於獄逮周鎮陳以謙
丁丑封太妃弟鄒存義爲大興伯世襲恤死節生員許琰戊
寅王永吉戴罪督山東軍務庚辰命選淑女辛巳賜北京死
節諸臣范景文等贈諡立廟於雞鳴山賜額旌忠壬午改前
大學士王應熊爲兵部尚書總督川廣雲貴等處專辦蜀寇
賜尚方劍便宜行事封鄭芝龍南安伯癸未革楚撫王楊基
任聽勘乙酉阮大鍼爲兵部右侍郎巡閱江防劉宗周劾奏
不聽九月丙戌黃得功趨揚州高傑以兵變僅值萬元害盧
丸德和解之戊子復前薊督趙光祚官已丑纂修玉牒贈恤
湖廣殉難諸臣許文岐蔡道憲等刑部奏擬從逆條例大逆
凌遲處死凡五條絞六條徒二條命絞以上提問流以下撫

按究擬張成福以都督僉事充山東河北總兵官庚寅
省布政司右布政使辛卯命煥起居注癸巳逮御史黃澍不
至大學士姜曰廣罷命修思宗實錄甲午左都御史劉宗周
罷黃斌卿移屯大江黃蜚屯蕪湖采石鄭鴻逵屯鎮江丙申
以王之綱充總兵官掛盪寇將軍印鎮守河南御史凌駟聯
絡河南北直丁酉敘江北文武多年戰功加士英少傅仍兼
太子太師建極殿大學士廕一子錦衣衛指揮僉事世襲戊
戌謚前大學士孫承宗文忠太常寺少卿鹿繼善忠節賜祠
忠烈王滌爲都察院右僉都御史巡撫登萊東江等處贊理
軍務牟文綬充總兵官鎮守荊州黃得功移駐廬州以防桐
皖劉良佐合營進復黃汝高傑移駐徐州進復開歸追補建

文死節諸臣方孝孺等贈諡立祠祀之甲辰追贈開國名臣
及正德諫臣天啓慘死諸臣各有差左良玉子夢庚掛平賊
將軍印丙午稱恭王陵曰熙陵是是另用何騰蛟并撫湖
北庚戌開佐工事例辛亥是是官逮問前巡按御史左
光先革侍郎呂大器職是是壬子再命刑部逮問黃
澍甲寅以李成棟鎮守徐州是是尚書徐石麒罷是月高傑
率兵赴鎮順治元年冬十月乙卯朔
大清定鼎燕京

世

祖章皇帝卽皇帝位頒詔天下普與臣民更始是日王以鄭
芝龍爲總兵官鎮守福建羅聯芳爲總兵官鎮守貴州丁巳
錢謙益疏薦蔡奕琛願馬士英功兼雪逆案阮大鍼楊維垣

賈繼春吳孔嘉房壯麗呂純如等己未以張縉彥戴罪總督
北直山西河南河北軍務便宜行事大學士高弘圖罷甲子
鳳陽地震丙寅再震遣司禮監太監孫元德往浙閩督催內
庫及戶工二部一應錢糧加湖廣巡撫何騰蛟兵部右侍郎
巡撫全省癸酉丁魁楚以原官總督兩廣軍務復景帝母吳
爲皇太后謚曰孝翼溫惠淑慎慈仁匡天錫聖皇太后復建
文弟允熲吳王謚悼允燧衡王謚愍允熙徐王改謚簡曰京
長子文奎曰恭愍皇太子少子文圭追封原王謚懷公主皆
復舊號左春坊衛胤文以原官兼兵科給事中監高傑軍甲
戌張捷爲吏部尚書乙亥張秉貞爲都察院右僉都御史巡
撫浙江丙子命以來年正月仍遵洪武制合祀天地於南郊

丁丑命王永吉誓駐河上料理戰守候北使回阮大鍼疏糾雷縝祚命嚴訊加左良玉太子太傅壬午停今年決囚予秦楚殉難諸臣祭葬有差定江北督撫四鎮額兵三萬楚撫額兵一萬京營額兵一萬五千癸未以劉安行爲都察院右僉都御史提督南直隸浙江沿海諸稅兼理海防軍務劉若金都察院右僉都御史提督閩廣沿海諸稅兼理海防軍務十一月戊子桂王薨己丑鳳陽皇陵災松柏皆燼命唐庶人聿鍵居廣西平樂辛卯令左良玉納銀充贖癸巳左良玉奏華容石首戰捷命遼王居台州甲午

大清兵取海州丙申取宿遷時山東及豐沛盡降丁酉蘇松巡撫祁彪佳罷庚子李永茂爲都察院右僉都御史巡撫南

贛汀潮等處丁未張鳳翔爲兵部尚書兼都察院右副都御
史巡撫蘇松盧若騰爲都察院右僉都御史督理江北屯田
巡撫廬鳳淮安地震太監高起潛提督江北兵馬糧餉己酉
九江總兵黃斌卿偵知左良玉難制請改駐皖池從之庚戌
命許定國鎮守開封河雒權酒稅辛亥高傑疏薦吳牲鄭三
俊金光辰姜埭熊開元金聲等報聞自五月不雨至於八月
十二月乙卯命荆王居九江丁巳進劉孔昭劉澤清皆爲侯
孔昭辭許之辛酉命何騰蛟以原官總督川湖雲貴廣西等
處專理恢勦名楊鶚回部

大清兵圍邳州凡三日甲子教程世昌兼督上江糧務丙寅
改諡孝宗后張氏曰孝成靖肅莊慈哲懿扶天贊聖敬皇后

大閱京軍命士英代

大清兵入河南府總兵李際遇降戊辰以高斗樞爲都察院
右僉都御史巡撫湖廣已巳行稅契法楊維垣追論二朝黨
局命求三朝要典宣付史館

大清雷使臣左懋第馬紹愉縱陳洪範南歸和議不成有顛
僧大悲至京自稱齊王又稱潞王下鎮撫司勘訊王申加馬
士英少師禁各官薦舉命王永吉專防江北張縉彥專防河
南解學龍以從逆諸臣罪案請再議允張縉彥言定諸將各
分汛地王之縞自永城至寧陵許定國自寧陵至蘭陽劉洪
起自祥符至汜水時

大清兵自孟縣渡河李際遇旣迎降縉彥等竝走沈丘命高

傑率兵進屯歸德備之壬辰瞿式耜爲都察院右僉都御史
巡撫廣西馬禮乾爲都察院右僉都御史巡撫四川癸未左
良玉奏復公安

順治二年春正月乙酉朔福王居南京庚寅加史可法太保
兼太子少師建極殿大學士馬士英少師兼太子太師中樞
殿大學士王鐸少保兼太子太保武英殿大學士予廕以士
英掌文淵閣印充首輔辦事可法辭太保許之癸巳命河南
巡撫越其杰巡按凌駟防守虎牢黃得功劉良佐率兵屯潁
亳高傑提兵直抵關雒進據虎牢乙未解學禮再上從逆諸
臣罪案兼請停刑允之許定國約殺興平伯高傑於睢州丙
申傑部將攻睢州定國懼奔考城尋降於我

大清癸卯以吏部左侍郎蔡奕琛兼東閣大學士入閣辦事
甲午命刪定三朝要典乙巳朱國弼張孫振劾解學龍丙午
奪學龍職名前都察院左都御史唐世濟以原官管右都御
史事辛亥加監軍侍講衛胤文兵部右侍郎總督興平標下
鎮將兵馬經略開歸防勦軍務張國維歸省是

大清兵取西安李自成走襄陽二月丙辰王驥都察院右僉
都御史巡撫湖廣戊午高倬刑部尚書阮大鍼兵部尚書兼
都察院左副都御史協理部事仍管巡閱江防軍務甲子諭
思宗太子曰獻愍定王曰哀永王曰悼乙丑遣黃道周祭告
禹陵史可法請用高傑部將李本身為提督不許黃得功引
兵趨揚州遣盧九德諭之乃奉詔裁九江額餉六萬張孫振

奏劾禮部尚書顧錫疇竝論奪溫體仁諡事丁卯錫疇死
酉撤高傑兵回命劉良佐防歸德高起潛駐揚州甲戌進蔡
奕琛禮部尚書兼文淵閣大學士乙亥追封王命由渠穎王
諡沖丙子改上思宗廟號曰毅宗封慈煥崇王贈死事武臣
沈壽崇知府王行儉知縣李盾在等官廢丁丑止滇黔援兵
袁弘勳疏攻袁繼咸左良玉救之并言襄興宜焚諭解之戊
寅李自成走承天三月乙酉僧大悲伏誅丁亥命王永吉帶
撫淮安衛盾文兼撫徐揚復溫體仁諡廢名勳臣朱國弼等
閣臣馬士英等翰林劉正宗等入見武英殿面諭同府部九
卿科道辨驗北本太子眞僞曰奔羣臣奏係改駙馬都尉王
昺姪孫王之明曾侍衛東宮家破南奔鴻臚少卿高夢箕家

丁穆虎教之詐稱太子乃下之明中城兵馬司獄己丑
大清兵取郟城又取西平李自成逼承天在良玉遣使告急
命督臣何騰蛟等禦之辛卯

大清兵取上蔡壬辰耿廷籙爲都察院者命都御史巡撫四
川命百官會審王之明高夢龍於午門外靖南侯黃得
功出疏爭之李自成兵寇潛江河南有婦人童氏自稱福王
藩邸元妃劉良佐信之巡按御史陳潛夫具儀從送至京王
怒下童氏錦衣衛獄竝逮潛夫訊之癸巳遙祭諸陵戊戌命
黃斌卿以原官掛征蠻將軍印鎮守廣西方國安掛鎮南將
軍印充總兵官駐防池口出袁從崇王居福州夏福恭王諡
曰孝皇帝命黃得功移鎮廬州與劉良佐合力防禦壬寅思

宗忌日王於宮中舉哀百官於太平門外設壇遙祭以東宮
二王祔祭癸卯高成自杭州解至命三法司覆審王之明等
命燬黃得功原疏以絕奸謀丁辰封妃戚黃九鼎維中伯左
良玉以李自成兵至潛江口遣使告急丙午加朱大典兵部
尚書都察院右副都御史巡撫應天安徽等處頒示王之明
童氏審詞於中外以釋羣疑丁未許罪廢諸臣輸銀復官
大清兵取歸德府巡按御史凌駟及其從子湖生死之戊申
左良玉舉兵反以奉太子密旨誅奸臣馬士英爲名黃澍王
其謀焚武昌東下已酉以錢纘登爲都察院右僉都御史總
理兩淮鹽法兼督江防軍務罷巡鹽御史左良玉疏糾方國
安諭解之壬子

大清兵取潁州太和縣加李本身太子太保左都督命史可法馳扼徐泗夏四月丙辰左良玉兵陷九江府阮大鍼劉孔昭率師禦之丁巳恤逆案劉廷元等二十一人左夢庚兵陷建德戊午陷彭澤己未陷東流命阮大鍼會同黃得功堵剿庚申光時亨周鍾武懷周鏞雷續祚等伏法辛酉黃得功駐兵荻港壬戌封常澄爲襄王命居汀州是日黃斌卿與左兵戰於銅陵敗之明日復戰沈其船三十艘乙丑左夢庚陷安慶

大清兵取泗州丙寅渡淮劉良佐提兵入衛戊辰命潞王移居湖州庚午王永吉總督防河兼巡撫鳳淮廬三府錢繼登兼撫揚州左夢庚兵至池州壬申詔暴左良玉罪狀總兵鄭

鴻逵奏破亂兵於江中

大清兵圍揚州命黃得功移家太平丙子以霍達爲都察院右僉都御史巡撫蘇松常鎮等處丁丑

大清兵破揚州督師兵部尚書大學士史可法揚州知府任民育死之甘肅團練總兵官劉肇基逆戰及原任兵部右侍郎張伯鯨俱遇害總督兵部侍郎衛胤文監紀主事何剛先後赴水死戊寅追封于謙爲臨安伯五月壬午以李彬爲都察院右僉都御史巡撫河南癸未移惠王於嘉興黃得功率兵擊左夢庚於坂子磯敗之丙戌進封得功靖國公世襲丁亥封鄭鴻逵爲伯以楊文驄爲都察院右僉都御史巡撫常鎮二府兼轄揚州沿海等處軍務己丑夜

大清兵乘霧渡江庚寅援師悉潰鄭鴻遠楊文驄以舟師遁入海辛卯壬夜奔太平壬辰馬士英挾太妃出奔杭州亂兵擁立王之明於南京癸巳王至蕪湖命阮大鍼朱大典兼東閣大學士督師以揚州府同知李繼晟爲都察院右僉都御史巡撫安慶是日總督京營忻城伯趙之龍具表迎降丙申大清兵營於城北文武官出降吏部尚書張捷刑部尚書高倬左副都御史楊維垣禮部主事黃端伯戶部郎中劉成治主事吳佳胤中書舍人龔廷祥欽天監博士陳于階監生吳可箕皆死之戊戌

大清兵進守皇城遣降將劉良佐襲太平靖國公黃得功死之丙午執王至南京秋九月甲寅王北去事軼

唐王聿鍵太祖九世孫也先封於南陽祖端王欲立其愛子
囚世子器盛於承奉司王從之年二十八未請名世子遇毒
薨立爲世孫崇禎五年襲位年三十一矣七年流賊起蠲金
築南陽城又援路藩劄乞增兵三千人不許八年冬賊再犯
南陽復請護衛又不許九年秋八月京師戒嚴倡義勤王莊
烈帝切責之行至裕州與賊遇亡其內豎二人事定下部議
廢爲庶人徙鳳陽高牆檻車傳送王自裁不殊旣至陵待罪
困苦者數年淮撫路振飛周恤甚厚每以私錢助王又疏請
加恩罪宗王甚德之及甲申春三月北都陷福王自立於南
京乃赦王出高牆禮臣請復王爵不許命徙居廣西平樂府
大清順治二年夏五月南都降福王被擒於太平王行至杭

遇鎮江總兵鄭鴻逵戶部主事蘇觀生遂奉王入閩稱監國時鄭芝龍擁兵驕悍鴻逵欲王早正位以繫人心芝龍猶豫弗決羣臣亦多言監國名正建號宜遲不報閏六月丁未自立於福州僞號隆武以福州爲天興府立妃曾氏爲皇后遙稱福王爲聖安皇帝進芝龍鴻逵爲侯鄭芝豹鄭彩爲伯觀生爲禮部右侍郎尋加東閣大學士黃道周爲東部尚書兼東閣大學士召舊輔何吾騶蔣德璟黃景昉又起朱繼祚林欲楫路振飛曾櫻熊開元等相繼入閩又以黃爲後林增志季允春陳洪謚等爲大學士張有堂爲兵部尚書黃錦爲禮

兼蘭臺館學士周應明爲刑部

王好讀書博通典故手撰

三詔與魯監國書羣臣皆莫能及感振飛舊恩募能致者賞千金給五品秩振飛至拜太子太保吏兵二部尚書文淵閣大學士官其子太平爲兵部員外郎開儲賢館定十二科取士以觀生傾之愛鄭芝龍子鄭森材賜國姓改名成功命提督禁旅以駙馬都尉體統行事秋八月芝龍集廷臣議戰守事宜言仙霞關外宜守者計百處應設守兵若干其戰兵以今冬簡練明春出關一出浙東一出江右計兵二十餘萬計餉不支其半乃請於兩稅正供預借一年令羣臣捐俸勸紳士輸助察府縣歷年積穀銀兩未解者悉催赴行在官吏督征閩粵騷然民不樂從又請廣開事例於是廝養隸卒皆得給劄授官猶苦餉不足守備僅數百人皆疲癯不堪用延

臣日請出關王屢戒征期芝龍輒以餉詘爲辭當是時軍府草創魁柄橫操王雖英敏芒刃無所斷割芝龍鴻逵屢薦其私人爲清要官王不允以是懷怨望及行郊天禮於南郊二鄭皆稱疾不出戶部尚書何楷劾其無八臣禮宜正其罪王喜楷敢言命掌都察院事已而鴻逵揮扇殿上楷呵止之二鄭交怒楷知不爲所容請告去未幾楷死芝龍知衆論不平不出關無以弭衆議乃請以鴻逵出浙東彩出江西各擁兵數千號數萬旣出關託候餉仍駐不行鴻逵駐仙陽鎮慮有上書言事者嚴禁仙霞關不聽四方儒人人王檄催孔亟不應彩行百里而還稱餉缺畱如故九月

大清兵取徽州道周知芝龍無意出關自請前驅號召羣帥

驛廣信趨婺源兵潰事詳道周傳是時李自成兵敗奔五
山爲村民鉏梃擊死獻其首於楚督何騰蛟以聞其衆無所
歸推其兄子李錦爲王同自成妻高氏乞降騰蛟與道臣堵
胤錫往受之一時增兵十餘萬王大喜告廟進騰蛟大學士
封定興伯胤錫右副都御史巡撫湖南降將皆授總兵官賜
李錦名赤心高氏弟名必正號其營爲忠貞營已而糧不繼
降者稍稍散去高李十三部就食施州衛其餘郝搖旗馬進
忠王進才張光翠袁應第牛萬才張光壁等十餘營悉隸騰
蛟麾下兩廣總督丁魁楚以桂林捷聞封魁楚爲平粵伯廣
西巡撫瞿式耜加兵部右侍郎廢靖江王亨嘉爲庶人語具
式耜傳是年六月張國維孫嘉績方逢年等亦迎魯

王以海監國於紹興冬十月科臣劉中藻頒諭浙東浙東不納於是聞浙相水火矣王以貪吏虐民誅建陽知縣施燦邵武知府吳焯煒推官朱健人稍憚恐原任兵部郎中王期昇御史彭遇颺至行在王加期昇總督遇颺僉都御史大學士振飛櫻封還內降謂遇颺依附馬士英期昇在太湖奉朱盛徵稱通城王派餉苛虐不可用王乃止初汀贛間有峒賊數萬號四營頭左營張最强楊廷麟劉同升等招之復撫州又復臨江於是廷麟等請王出江右騰蛟請出湖南浙中諸將請幸衢州原任臨清知州金堡陛見言騰蛟可恃芝龍不可恃急宜棄閩幸楚王大喜卽授堡兵科給事中決意出贛州幸長沙遣大學士觀生先赴南安募兵十一月王親行以唐

御二王監國首輔吾騶隨營以櫻芝龍畱守司轉餉鴻逵爲
御營左先鋒出浙江彩爲御營右先鋒出江西築壇西郊行
推轂禮鴻逵出城馬蹶仆地及王誓師授鉞大風起壇前燭
盡滅十二月發福州駐建寧

順治三年春正月己酉王在建寧以三大罪自責令百官皆
戴罪是月天雨雹晝黑對面不相見廣東布政使湯來賀運
餉十萬由海道至擢來賀戶部右侍郎二月馬厓嶺兵變命
振飛至浦城安撫江楚迎王疏相繼至王決意出汀州入贛
與湖南爲聲援芝龍不欲王行令軍民數萬人遮道呼號擁
王不得行遂駐延平魯監國遣其臣柯夏卿來聘王手書與
魯藩謂當同心戮力共拜秦陵已遣僉都御史陸清源解餉

大清兵以是月一日渡江取紹興魯監國航海去江上諸師皆潰行在大震鴻遠駐關外傳

大清兵至徒跣疾行三日而抵浦城後至者紛紛言兵譁事聞削鴻遠爵芝龍借言海寇至撤兵回安海守關將皆隨去仙霞嶺空無一人秋七月二十五日王御門詔諭羣臣焚其迎降書二百餘封於是擇日出贛州楚督何騰蛟遣郝永忠迎王將至韶州而

大清兵已過衢州抵閩關守將城御史鄭爲虹科臣黃大鵬延平知府王士和死之八月二十一日王出奔宮眷皆騎猶載書十餘篋以從隨行者輔用等物等數日至汀州大清兵奄至稱扈蹕兵直入行宮搜宮弁散給事中熊緯死

之王與曾妃俱被執妃至九瀾投水死王死於福州禮部尚書曹學佺通政使馬思理俱自縊死冬十月贛州破閣部楊廷麟赴池死吏尚郭維經入嵯峨寺焚死總督萬元吉赴水死御史姚奇胤湖西分巡道彭期生自縊死兵部主事周瑚縶死右都御史楊文薦擒至南昌絕粒死永明王立遙稱爲思文皇帝魯監國旣航海時

王師征閩所至奏捷鄭芝龍就降監國轉徙海島

順治十一年至金門鄭成功禮待頗恭旣懈監國不能平將往南澳成功使人沈之海中

永明王由榔神宗孫桂恭王常瀛少子也天啓七年恭王就封衡州崇禎十六年張獻忠陷衡州王由永州入粵西寄食

兵部尚書式耜爲大學士兼吏部右侍郎永茂請歸化澄
以下進爵有差未幾贛州報至初唐王傳蘇觀生粵人也
以擁護功授大學士由粵募師援贛駐南雄不敢進是月
大清兵破贛州觀生奔回廣州至三水魁楚素與觀生不協
又聞贛州信乃與司禮太監王坤倉卒奉王奔梧州式耜等
力爭不得已而觀生使陳邦彥來勸進復回肇慶十一月唐
王弟聿錫浮海至廣州觀生與布政使顧元鏡總兵林察等
擁入廣州城自立僞號絡武招海上鄭石馬徐四姓盜授總
兵等官與肇慶相距是月永明王亦自立於肇慶僞號永曆
使給事中彭耀赴廣州諭觀生被殺乃以兵部右侍郎林佳
鼎督兵赴三水佳鼎故粵中監司與林察同姓相善察使羣

盜詐降佳鼎信之乘勝追至三山口亂作全師皆覆佳鼎同
僉事夏四敷赴水死肇慶大震以化澄代佳鼎督師大器辭
官入蜀遂以化澄爲尚書起李永茂爲大學士未幾亦罷十
二月

大清兵由福建趨潮州惠州俱下之潛師襲廣州執聿鏞觀
生自縊祭酒梁朝鍾太僕寺卿霍子衡等死之餘皆降聿鏞
與周益遼等二十四王俱被殺報至肇慶式船請駐峽口太
監王坤不從以朱治憫爲兩廣總督守肇慶奉王走梧州四
年春正月

大清兵向肇慶治憫走王由梧州走平樂魁楚走岑溪化澄
走潯州

大清兵入肇慶遣別將徇高雷廉三府再取梧州二月王走桂林以吳炳方以智爲大學士周式耜入關辦事以智不至遣使湖南慰勞何騰蛟趣其兵入衛徵四川文安之雲南王錫袞入閣以周堪賡郭都賢劉遵生等爲六卿丁時魁金堡等爲給事是時孫可望等方由川貴入雲南錫袞以道阻不能達安之亦不至魁楚棄王走岑溪

大清兵至雍髮迎降全家被戮旣而平樂亦不守王大恚會武岡鎮將劉承胤以兵至全州王埤請赴之式耜諫不聽式耜請保桂林與城存亡乃以式耜兼吏兵兩部尚書督師畱守以麾下焦璉爲總兵封陳邦傳爲恩恩侯守昭平王自桂林走全州三月封承胤安國公歸衣指揮馬吉翔郭承吳巖

雲從等爲伯御史毛壽登爭之吉翔怒激承胤脅王杖壽登
及劉湘客吳德藻萬六吉於牙門外承胤又力爲申救得免
皆奪職以五千人援桂林挾王歸武岡州改曰奉天府政事
皆決於承胤矣而承胤前所遣援桂林兵在城與璉兵至密不
和於五月甲擊傷璉大掠城中而去式相檄誅首惡三十餘
人劾承胤馭兵無狀璉兵亦出城赴黃沙鎮

大清兵復攻桂林璉問從白石潭回桂林與

大清兵連戰桂林城下衆遂退龍陽州會陳邦彥以甘竹灘
余龍兵犯廣州

大清兵東向又張家玉陳子壯等破東莞高明等縣

大清兵往來追擊桂林稍定村丈驛臨桂伯璉新興伯王在

奉天召戶部右侍郎嚴起恒爲大舉士同吳炳入闕辦事是時

大清兵下湖南何騰蛟退保衡州張先璧走寶慶堵胤錫走永定衛忠貞營李赤心等徃荊州不克潰入歸重馬進忠等遁五溪山中先是承胤在湖南愛騰蛟節制騰蛟以藤溪之捷請加赫永忠援勦左將軍張先璧援勦右將軍承胤怒至是以長沙不守奏解騰蛟兵柄召之入朝先璧奏劾承胤專擅騰蛟反和解之及聞光璧提兵至寶慶懼又請命騰蛟督諸鎮兵守衡州夏五月

大清兵至衡州永忠遁走騰蛟退保永州湖南巡撫章曠卒於永安秋八月

大清兵由寶慶直趨奉天城外吉翔等挾王定象州大學士
吳炳被執死焉劉承胤舉城降參將謝復榮戰死王由靖奔
柳州道出古泥總兵侯性司禮監太監龐天壽率舟師迎王
宮眷內豎會天雨狼籍泥淖中饑餓無人色性供帳儲峙皆
備王喜封性商丘伯以天壽代王坤掌司禮監印九月王在
柳州式耜請回桂林會土司覃鳴珂與守道龍文明相讐殺
文明走鳴珂大掠城中矢及王舟王南走象時

大清兵已定湖南下永州郝永忠盧鼎等俱還桂林已而騰
蛟起恒湘客亦至與式耜議分地給諸將使各自爲守式耜
與璉已先復朔及平樂陳邦傳南賓州復潯州合兵復梧州
廣西全省稍定冬十二月王回桂林式耜起恒與化澄竝相

騰蛟督師出全州王坤龐天壽掌司禮監事五年春正月敘
全州功晉騰蛟定興侯柱國太師兵部尚書趙印遷新寧伯
胡一青與寧伯焦璉新興侯二月

大清兵至靈州郝永忠潰於興安奔還桂林挾王走柳州縱
兵大掠滇營兵亦入城縱火相攻朝士皆被戮辱騰蛟聞警
馳回璉一青等各率所部至是月二十二日

大清兵攻桂林式耜城守騰蛟等拒戰時南昌金聲桓叛於
大清尋李成棟修養甲亦叛秋八月王至肇慶封成棟將軍
以其子元盾爲錦衣指揮使冬十月

大清兵抵南昌成棟退奔南康十一月王使盜殺養甲於梧
州六年春

大清兵圍南昌又南下湘潭金聲桓死而進忠等敗走督師何騰蛟被執死於長沙王聞震悼贈中湘王諡忠烈二月李成棟兵敗於信豐渡河墮水死三月

大清兵取衡永堵胤錫走尋卒於潯州夏四月孫可望疏至肇慶請封陳邦傳中軍胡執恭矯敕印封可望秦王而肇慶不知也及實封至不受詳楊畏知傳是冬封皮熊匡國公王祥忠國公守滇黔十二月

大清兵下廣東七年王自肇慶走梧州高必正與陳邦傳相讎殺秋九月孫可望由雲南東襲貴州皮熊走清浪追執之奪其兵又攻遵義王祥自刎死張先璧馬進忠皆歸於可望勢益强冬十二月

大清兵取廣州范承恩降杜永和奔瓊州

大清兵入桂林畱守瞿式耜總督張同敵死之王自梧州奔
南寧陳邦傳在清遠飛帆先歸邀劫從官於藤江殺部郎潘
駿觀童英許王鳳等八年春三月孫可望遣兵護衛因殺阻
秦封巖起恒楊鼎和劉堯珍吳霖張載述等投起恒屍於水
秋九月陳邦傳降於我

大清九年春二月王走安隆改曰安龍府可望歲以銀八千
兩米百石上供從官取給焉十年王在安隆日益窮促聞李
定國與可望有隙使內監張福祿全爲國諭定國以兵來迎
馬吉翔私告可望十一年春三月可望使鄭國王愛至安隆
磔福祿爲國與張鐫殺蔣乾昌等十四人以吳貞毓大臣勅

自盡十二年可望遣兵犯常德敗歸王在安隆塗葦薄以自蔽日食脫粟守將文吏承可望意無人臣禮十三年李定國敗於新會將由安隆走滇可望偵知之促王移黔王故遲行定國至遂奉王由安南衛走雲南居可望署中封李定國爲晉王劉文秀爲蜀王可望以妻子在滇未敢公爲逆也十四年王送可望妻子還黔遂舉兵反然人心多不直可望部下諸將皆願歸定國與定國相拒三谿白文選輕騎奔定國軍兵旣交部將馬惟興先走遂大敗可望逃回貴州定國慮會城有失使別將追之自引兵還可望至貴州部將馮雙龍紿之言追兵至可望知人心已散遂挈妻子赴長沙

大軍前降十五年春三月

大清兵三路入雲南夏四月劉文秀卒

大清兵由蜀入者自三陂取遵義由楚入者自鎮遠抵黔由粵入者抵獨山州冬十月三路兵俱集信郡王奉

命自北至會於楊老堡戒期入滇李定國阮雞公背圖侵貴州遣別將守七星關抵生界立營窺遵義以牽蜀師十二月大清兵出遵義由水西取烏撒守將棄七星關走霑益

大清兵入安隆李定國連敗於安隆之羅炎涼水井撒寨遁歸王聞變先走永昌十六年春正月三日

大清兵入雲南王走騰越李定國敗於潞江王夜走南甸二十六日抵囊木河是爲緬境緬勅從官盡棄所攜兵器始啓關三蠻漢土司二月緬以四舟來迎王從官自覓江舟隨行

者六百四十餘人陸行者自故岷王子而下九百餘人期會於緬甸十八日王至井戶初李定國旣敗於潞江走孟艮白文選走木邦已而文選以兵攻緬不勝走回孟艮夏四月羣臣沐天波等謀奉王走戶臘二河不聽五月四日緬復以舟迎王五日發井戶七日至阿瓦阿瓦者緬酋所居城也八日至赭磴始知陸行者盡被緬人掠爲奴多自殺惟岷王子八十人流入暹羅緬人於赭磴置草屋居王遣兵防之十七年定國文選會兵攻緬索王不得敗緬兵於瑞羊堡十八年定國再與緬戰於瑞羊文選助之敗緬兵緬終不出王從官費用盡竭夏五月會緬酋翁莽白代立給白官渡河盟旣至以兵圍之

啓隆補鑾王自其後陳謙吳承爵安朝柱任子信張拱極
劉相宋察率劉屏孫宋國柱丁調鼎文臣鄧士廉楊在鄔昌
琦鄧居詒任國事楊生芳潘璜齊應吳郭璘張宗伯
內監李國養李友芳楊炳華楊強益李崇貴沈猶龍周某盧
某曹某等凡四十有一人惟存永明王與宮眷二十五人秋
八月定國再以舟師攻緬索王復爲所敗定國與文選皆引
還冬十二

大清兵臨緬白文選自木邦降緬人以永明王父子送

軍前明年夏四月二十五日死於雲南六月李定國卒於猛
臘其子李嗣興與劉文秀子劉賽復謀是爲

聖祖仁皇帝康熙元年也

明史彙

列傳第六下終

